



石倉十二代詩選

明三集卷之十

編茗集

大明

益都黃若卿著
後學曹學佺閱

關山月
前風跋壘塞上風
隴阪霏露液
隴水孱孱聲
皓月出林薄
登堊何
悽清黃榆馬
蹠蹠白磧鳥
相驚何時玉
笛曲歌
凱合歡情

折楊柳
管別離
岐醉酒
折上馬任

長衢列萬樹
楊柳管別離
臨岐醉酒
折上馬任

風吹春折手如怯秋折心更悲花逐浮雲裏葉
舒新月時悠悠橫笛者能向曲中吹

飲馬長城窟行

平溪清見底泛泛雙鴛鴦中流見羣鷺啄啄相
頡頏佳人呼征鴈嘹唳發三邊君子佐將幕偏
師逐右賢門前風起塵塞上風揚沙去時紫袴
褶何時換縠紗白草獸駭奔中有龍種馬八尺
蹄如銀駟駟不知價捉馬獻天廐願君離塞下
門有車馬客行

門有車馬客遣僕呼荆扉掃徑欲延致四牡已
遠馳農伴笑相問彼哉迅何其去去誼有急來
過非我私王程在簡策周道苦透遲譬我及甘
雨植杖省畚菑驩上驤軌騰踏不可持朝秣
伊洛岸夕宿易水潛海鷗相泛泛滄渤爲沼池
鮮食俯自足汎浪聚相嬉勤逸各有止遠邇莫
相譏

碧玉歌

君莫賞金珠妾自恐傾國父母命我名温温玉

北德菡萏與蕙萑常懼忽秋霜請君千金藥駐
妾薄容光

白馬篇

白馬出冀屈金鞍覆錦茵皎皎宛洛道蕭蕭灑
渭津馬驕鳴不止借問馬上人寶劍銛且博弩
力逾六鈞馬粟已傾斛人飲亦將醺羽檄流星
過邊鋒報虜塵虎旅皆騰趨烈士豈逡巡驅去
忽長嘯涼風薄黃雲驅胡志閒雅樹功非希恩
揚揚錦綺者列乘給麟翔換騎果下馬探賞桃

李春白馬罔如雪白駒亦如銀乘駒入空谷生
芻樂無垠

西洲曲

耳棹傍西洲採菱汎波曲菡萏弄蒂開中有彩
鴛浴西洲檉柳岸蜻蝶集復散忽落玳玉釵回
頭問隣伴隣伴嬌嬉笑愛唱長干調泠泠金步
搖薦芳聖女廟廟前雙碧桐蕤那搖東風桐下
衣帶結蟠子拂人額桐葉大如盤折持遮花鈿
葦砧旦夕還憐取舊容顏容顏如春芳愁思如

零霜避霜玩朗月千里共清光月光射帷帳流
螢炯相向焚香步空庭三星在頭上星河淺復
清長安計幾程願起西洲鴈傳寄中閨情

擬青青河畔草

曲陂生綠蘋野園滋紅槿嬌艷乘蓮舟寶翠映
鬢鬢見客歌金縷映波添黛粉冶遊隨東西從
夫如羈紉棄斥竟何歸紛蕩誰相憫

擬青青陵上栢

營營花上峰蹉蹉園中蝶浮生已多勤爾亦競

時節日馭西赴急同願樂者耄良時對朗暉不
遊空自潔名城美貴介樓閣何岌業寶馬遍坊
郭會宴羅醇飶盤桓盡歲華豈復知愁烈慷慨
自無當硜硜晒踈拙

擬西北有高樓

北望鬱峻極層閣薄青冥飛甍接山杪簾箔凝
明星臺陛不可躡杳然哀絃聲一鼓涼颼起轉
奏微霜零倏疑素女調轉傷屢屢情悠悠度縹
緲願言徹泰清音節何足異感慨極平生終當

招鴻鵠翩翩滄溟

詠懷

棘花如粟相近紅
桂蘿采采不可贈
可贈不可贈
可持桑柘隰畔植
松桂山中移物理
自有分堅貞勝華
滋掃場留粟粒爲
恐野鳥饑鄙意同
野鳥寧人晒吾痴

其二

虞人養麋鹿童子養雞鶩
飲啄非不厚豈適羽毛
情林卧玩空翠墟
落謝經營霞舒炫
幽澹谿

靜轉淙錚軒冕忽枉顧
掃徑啓柴扃但禁犬出
吠不知鷗已驚始返志
自定諒盡歲寒盟

郊居

素業出郊坳重構幽棲廬
桑麻宜土脉平疇便
耕鋤涉澗玩淙溜引溪滋
園蔬雜芳間綠篠石
磴垂蘿蕪白雲沒岩岫
蒼嵐忽有無肆時絕氛
雜樵牧相招呼松葉釀
秫酒野酌斷瓜壺須鹿
狎羔犢白鳥集松梧
優游逾臺榭十畝等
江湖求西山道士采石
乳未寄

名山崆嶷洞千載啓靈蹤鍾乳如懸笋明珠綴
瑤瑛清風凝石髓露華映空濛黃冠往卜宇贈
以羽扇筇言當采此乳函致雲液封樵來虛寄
語一往如冥鴻誓言脩屩屐幽尋遍千峯華寶
非我覓仙餌自擇精服食有祕訣飄飄從喬松
初冬宿田舍

首冬罷田功野夫同棲息履寒趨晴旭茅廬亟
脩飭留憇近青山良夜轉靚伽隔溪聞昏鐘床
下見促織微月稍流輝庭階澹生色焚柏燵相

縈燒葉竈欲熄短檠讀南華倦卽展茵簣拊枕
謂夢魂慎勿遊京國鷄鳴各營趨高卧知有得

雜詩

世云羊腸險不在太山巔執手何慙懃轉面操
戈鋌南山有猛虎咆哮下陸川吁嗟畏陰質水
蟻與虺蜉榮悴在司命巧智距終全誰能羨豔
麗掩彼金石堅

其二

徒歌逍遙曲散步舊田廬出宦如倦旅風波浩

歸歟農夫樂歲稔園人滋新蔬花卉恣移植鷄
鴨啄庭除山茗及春採黍酒連甕儲三川聚巨
賈京市鳴笙竽南有下灘舵北有下坂輿鵬鳶
在丹漢鷄雀止搶榆隣有多背叟卑論乃起予
委懷茲咫尺宿願詎在餘

南行初登舟下沂河時手何惡感神面

透達東海域眺望瑯琊臺潢浦徑駮阻濁沂隻
舫開櫓風晴自引沙雨暮相催僻起雙鳧浴清
宜孤鶴來郊徐壘蕪沒齊魯樹榮迴地未通漕

輓渠僑出草萊笑談商舸雜查靄漁蓑回忽訝
羣蝗合重憐列邑灾恐聞逃屋賦盈取疲民財
爲郡昔無補憂民今轉哀那知生息久轉更費
栽培

送中丞劉公鎮撫齊魯

名都列餞宴冬暘煦以遲鷁艘笳吹合玉節壓
旌麾雷琴接錦瑟同詠江漢詩中坐指吳嘯聲
績同峴碑吾土愜望歲茲地戀光儀層雲連渤
澥喬梧鳴長颺乘高易覽矚維春飭良鉉鳳起

惠我顧貽我琪樹枝懷感瞻絳漢採蘭拜陳詞
述職去郡

北詣瞻京闕兼東省庭闈日月逼于邁僕夫試
鞅鞶客來問治裝解琴詠將歸拭我舊吳劍澣
我舊斑衣郡人屬歲儉吾得言輕肥河有溫石
子山有冬出薇攜採遠持贈知音意不違慶雲
依斗極鷓鶴向雲飛亦欲逐鷓鶴羽疲意復遲
太原九日登樓
飛樓俯隍浦瞻眺撫佳晨峯巒望無極汾流揚

漪淪節暮集多懷志士少舒輦佇立忽躑躅匪
我乏嘉罇冉冉五見菊役役意不伸淺劣當繁
劇戴星徒爲辛欲歸未拂袖遲迴戀吾民忠信
自可任飾媚斲元真玄鷄拂雲疾蒼鷹掠荆榛
蕭霜青蠅死草隕畹蘭芬畧序何相薄秋氣固
傷神山頭逐虎士短艇云報恩誰爲書雄譽拔
劍持贈君
齊桓公臺
攝衣凌斷阜極望思飄飄寥廓仰無際迤邐俯

林臯山勢亘岱嶽海氣晴欲消盛時脩世職聘
伐尊王朝九合不競力五命義更昭匡民免左
袞華哉大聖褒稍傲靈臺築奚妨廣且高何如
秦漢侈館榭遍畿郊創垂自不朽異世重培壅
君侯何雄懋荷任得英髦書生輕伯業陞哉空
爾曹

謝僧惠茶

老衲採山華碧茗樹方苗弱芽如剪韭長芽卷
雀舌曉露浥徐潤晴旭暴復潔緘藏香積久持

贈意獨切雅志慎辭受揖爾倍忻悅滌鼎汲冽
泉刈薪自煎蕪悠然酌瓦鉢渴喉慰其飶吟哦
興轉豪煩囂遽清澈方外有賞音市飲徒餽餒
施金轉恐俗答贈苾薇蕨

過楊子江聞金山寺鐘

行行迅波路晴江度寥廓岩堯金山雄洪鐘動
傑閣濤驚轉吶亮銀銀緩復作蒲牢鳴向風龜
鼉伏不躍巨商施僧食長廊振金鐸爾梵有常
度我邁何迫薄悵然有深思暫共漁舟泊

春日觀農

玄馭停嚴轡青祗肇發生熙熙日載陽庭樹鳴
倉庚田家更相呼倣載及茲晨早起命巾車阡
澹恣周循脉脉畛隰饒霏霏桑柘煙好風從東
來飄飄吹我襟杖頭一炙兔聊以勞農人麀麀
思野草征禽戀曠林願欲有固然遑遑誰爲心

其二

扶杖白領者邀我閣東臯勸我求嘉種示我辨
良苗春當脩垣壁晴當預茅絢復言備水旱社

祀共牲殺再拜戢良誨延入開新醪磁盤羅山
蔬手酌用陶匏少歲遠從宦止諳簿書勞素位
業有定師農禮戒驕遠峯如新沐青蒼動坰郊
四望無荒蕪我行歌且謠內以愜志願外言謝
塵囂

殘菊

千卉醜芬艷秋菊受命貞淒淒涼颺度團圓夕
露零露結已皜皜籬檻非昨容江臯楚臣賦林
谷幽士情繾綣如嘉樹不忍餐爾英人生何浮

脆日月自迅征豐華詎預保蒼顏念朱顏不如
釀百甕永要歲寒盟

過釣臺

桐江碧可染蒼黛山如濡江流貫瀧澗莊祠危
石隅石懸絕塵滓遙眺疑畫圖杉柟巢鷓鷯廻
波泛鵬鳧漢世東南僻今通萬舳艫昔若今路
達持竿應別居詞客欽高節褒爾輕宦途游國
爲壯士浮海爲貞夫瑤草碧琪樹本與梁稻殊
北有箕山墓西有磻溪廬邈矣栖遲志霖雨寧

江湖

海客談三山

有客魚皮笠鹿裘結蘿裳藥壺左右佩高揖立
昂藏侈言蓬萊居宛在海中央山高各萬仞列
植椿扶桑星辰繞峯巘虹霞爲四疆金銀飾宮
闕瓊瑤布階墻雲璈舞鳳鶴麟脯和神漿朗耀
無暮夜歷塵無雪霜仙徒數千百羽衣日徜徉
浪濤稽天日飛度非舟航我疑客道聽杳冥誰
徵祥從秦踰千載談仙博且詳飄飄脫屣者幾

見出迷方我抱五游志亦欲凌風翔高高乏羽
翼悠悠樂田桑

浴蠶

桑柘葉半舒鸚鳴初鳴樹田家泥溫室青陽遲
以煦主婦撫新蠶預慶盛絲紵日視蠅蟻動桑
繁飼以序屈指浴濡期編箔呼共舉焚香祝西
陵沽酒詢鄰姬歲前儲雪液泠泠勝甘雨入釜
酌溫涼纖纖滌盆簇美錦濯如傷嬰兒洗復乳
一流躍蠕蠕再沃浮衙衙三浴健欲立舉家忻

笑語常恨綺羅豪漫不識機杼嗟嗟蠶婦食益
蔬進粟楚不自言辛勤指示誨兒女

土堂權店歌

國初驛道通南都都移道齒半榛蕪權乎權乎
古妙用循常沿舊嗟吾徒三晨迤迤入岵岑秀
爽幽勝如招尋欲發不發立驪裏樹濤壑溜轉
蕭森結屐攀蘿陟崔嵬翠川丹巘秋色開喬杉
巨梧糾相向玄鶴白鷺海東來黃綺芝田子真
谷自昔只在羣山麓藥苗芳蕤菊綠溪忽有飲

牛唱獨漉沈迷簿領懷山客每過蒼嵐坐嘆息
曷當餌砂纈芝苓振衣崑崙松間石崑崙石枕
洪波四覽靄靄紫霞多桃叢追逐方朔戲瑤女
琅琅素女歌歌詠和舞蛟鼉溟鵬雲鶴豈網羅
林蟬榆雀柰爾何
上黨九月晨飄雲夾霰變雨融復結蒼嶺連城
雲吐吞高樹向午風鳴咽授衣未遍烏辛艱炊
煙斷處覓袁安秋陽明發消漸凍車馬休論行

路難

織錦歌

冀方欲獻雲錦章四徵良工闢苑塲機軸絲縷
各滿案解衣凝神氣相當高閣鼓催下鳴角百
厨絡繹供饌漿清雲盡歛碧空澗千屋無聲秋
月長覘人走報織組巧織成自染朱玄黃鶴翻
鳳舞麟豸立黼黻龍藻學上方老匠沈鬱小匠
勁中有長嘯揮斜陽英氣颭颭動畫幕爐香馥
馥燈煌煌曉如陶朱聚吳貨霞綃霧縠克奩廂

諸公起賀柱史喜雀筐堪補舜衣裳人言土瘠
百技朴文風地運動輝光君不見唐之晉問此
邦士先秦國語晉維良唐文晉語未足尚萬年
典則宗陶唐

野望

遠郊涼思度晚照古原斜無復壯遊興轉憐晴
望賒山光界禾黍海氣閣雲霞不辨鳶歸處翩
翩急暮鴉

七夕

霽景開新酌良宵襲舊名月弦遲閣漏露液澹
花屏隱隱蛛絲合依依螢火輕星橋何處是針
縷若爲憑

溪漲

山夜雷傾雨溪朝浪泊城渾催石澗溢忽浸釣
磯平牧豎汨知淺浮槎没自行沙頭雙白鳥臨
泛轉多情

九日登北寺鐘樓

菊節寒留寺鐘樓早見山賓緣佳景合僧共罷

官閒雲鵲忽驚影風鴻行綴班尚思千仞塔絕
頂眺塵寰

鵲湖

前代清波曲菰菱菡萏香名城日臨泛詞苑有
篇章濟灤源仍活郊原跡已荒當時棲樹鵲去
傍玉山翔

奉隨岩翁遊蒙山

地異寒容減冬遊客思舒河汾連秀潤參井逼
高虛欲雪雲相假披圖書或踈玄猿與白鶴如

索勒崖書

爾山早行望燕臺和王子之作

伯業遺臺在蕪城易水西雲依山不極曙起鳥
空啼意氣宜尊隗功名但伐齊猶傳太史筆詞
苑亦留題

中秋不見月

氣鬣不成雨瀟瀟霜氣浮地虛傳上黨雲亦礙
清秋漫道珠池減寧憐兔窟憂何當倩風伯滌
蕩一時收

聞蔣侍御將至

松寺衣冠會高軒豸綉遲碧雲斜日合芳草入
春滋馬飲溜澠曲旌留管晏禰雷琴先拂拭倩
客繫朱絲

蘇木寺集

恠底頻游寺浮生共我忘苔碑傳古碣竹徑遠
名香花避旃壇靜春依祇樹長忽看棲塔鶴疑
爾出迷方

織婦

機下忘梳洗燈前勸飲餐絲毫皆入杼丈尺早
輸官女伴勞相問嚴姑恐未歡風流金翠過不
敢出門看

山僧閉關

避人投野寺閉戶積深功佛日遲關鎖曇花度
雪風篆沈千偈遍錫卧萬緣空瓶鉢西林侶長
游恨不同謝家此體

初春晴望

澗壑遲移午餘寒立轉溫閨催春有色晴解凍

無痕柳動青山郭
鳩鳴碧水村
幽人有別興
寧待百花繁

南徐攜家北歸阻風

不為宦遊遠
江關漫泊船
浦寒祭宿霧
潮減續鳴泉
狂約西州客
夢迴南國緣
稍憐歸鳥盡
鷄唱急如鶻

其二

幾度思京口
絃觴登眺奇
蘆楓涼雨夕
鼓角早霜時
白苧洲仍詠
青山雲共辭
垂楊誰折贈
搖

落向西枝

夜坐

短燭頻移刻
良宵不問更
坐深天籟息
興轉月華清
晴漢星如滅
風林鳥誤更
那知車馬客
緣底尚西征

山行過僧菴不入

茅閣岩阿寺
新苔一徑平
儲薪樵語亂
施食梵音輕
鳴磬度溪曲
棲雲出殿楹
前山春欲滿
未果問無生

元夕聞讀書聲

錦綺上元夕煙花不夜城喧闐明月裏忽有讀書聲漸近分章句遲迴問姓名常時猶共喜此際曷勝清

曉鐘

滄海曜靈起蒲牢五夜鳴星河同曙色風雨約鷄聲度自樓臺迥雄兼鼓角清每聞多感慨百叩萬緣生

洋溪逢漁父

城隱清溪曲行逢滄海漁常憐魚鳥少莫道網綸疎樹色橋頭徑鷗羣柳下渠向歌款乃調忽入酒家廬

人日

人占逢七日春立巳三朝岸柳催晨發河漸併夜消山猶含瑞雪雲自綴青霄笑向問閭說相

安賴 聖朝

過仙岩寺

弭棹名山曲招提瞰黛波石蹲林故遶槎卧徑

斜過日傍梵輪永燿沈古塔多繁梅急膈候香
萼避藤蘿

其二

迴憇遲良友月明標數峯竹房行遠溜松閣罷
踈鐘旅愜南中景神清塵外蹤珠光快遠矚
極瑞雲重

八四 蒼頡墓

古葬少封樹高丘滄海邊獨開書契秘杳在河
圖先鬼粟經無載蟲魚篆失傳千秋後斯邈晉

帖世稱妍

大雲寺

松巒晴浥浥蘿逕晚登登宋塔初添瓦隋龕半
失銘殿前呼卧鹿樹杪見歸僧岩岫雲猶懶幽
泉滴滴清

午日

佳節蘭湯草閣幽早憐甘雨足西疇圍鷓庭鵲
花連簇籬艾菖蒲酒半斂江上洪鑪成寶鏡潮
頭鳴鼓競龍舟十年劍履同忻賞旅思還輸故

里遊

石井

如雪磬中七眼穿碧砂瑩處一泓泉
 龍蟠陰雨無人汲月射波瀾應海漩
 夏滌冰寒消溽暑冬噓溫液透晴煙
 山村盡說公輸跡白首誰經浚治年

海樓秋月

縹緲城頭鼓角樓坐開欄檻轉更籌
 雲收碧漢淒清夜月度遙空湫澗秋
 指點黛峰松影定依

微僊樂桂香浮席間豪客飄飄興欲馭
 丹鷄向十洲

花林野趣

背城臨水柿成林茅屋炊煙入望深
 花遶蝶蜂晴漠漠叢遊須鹿午沈沈
 田中樵徑排蘿蔓溪上漁磯映柳陰
 願結臺蓑同靜侶紫芝黃菊寄幽心

洋溪晚釣

風定南谿夕照斜柳堤荷渚岸容賒
 漁人拋餌

蓑堆石逸叟憑磯水見沙忽聽歡呼披荇藻旋
 看邀伴度葦葭白鷗碧鷓雙雙下不避綸竿沒
 浪花

古鏡

塵暈磨消壁月團囊開虹影暮堂寒銘蕪蝨筋
 相迴宛銜蝕蛟虎齧對蟠夜照魑妖應涕泣代
 經耆舊正衣冠良工不辨洪鑪日莫道尋常出
 售難

山居述懷寄關中知己

石屋依樵斲始成任深猿鹿解相迎重名不羨
 陶弘景多事還輸向子平抬鶴獨穿叢葛徑罷
 琴時聽細泉聲舊遊悵望征鴻度欲寄浮雲豈
 盡情

喜陳東渚有子夢鶴秀才

瀟瀟鷓鶴薄春雲上苑東華草木芬芸閣已傳
 推白玉長風真見有終軍月深桂影瀕吳斧山
 入琴材尚郢斤頭角三年遲爾望梅花千里寄
 河汾

遊寶峰寺

蘭若登遊開積翠諸岩環拱鬱嵯峨殿雲依樹
 鶴秋哺塔日穿圍麝午過異代金容雄上黨中
 天花雨灑漳河憑師欲發瓊珠秘北獻蓬萊意
 若何

再遊因留宿上方

盡屏車徒步上方巖扉松月宿微茫何年龍象
 移西竺中夜星河夾太行錫倚石壇浮虎氣燈
 分禪閣映珠光林間馴鹿知新客銜贈蓮花滿

鉢香

山西三關曰偏頭曰寧武曰鴈門皆天險

扼控北虜鴈門予舊遊覽矣是歲季春

予以吏事入陽武峪憇寧武關下黃花

嶺出秦長城歷土棚八角永興三堡抵

偏頭關自郡至陽武二百五十里至偏

頭四百餘里近黃河其西北則昔之受

降三城麟府路

軍儲飛輓路岩堯陽武開通自聖朝制闡從

容推宋璟度關輕捷謝嫫姚
遲榮花柳風霾歇
極望峯巒斥堠遙總爲堯封
深保障此中煙景
得相招

其二

會聞甲戌邊聲急白叟追談
淚濕巾子女牛羊
克塞海旌笳駝馬暗風塵山
懷敵愾雲猶慘
哭干霄草不春當日債軍今
甲第昔時持法是
何人

其三

限夷巖赴黃花嶺石壁重關
鴈度愁嶺轉噴
旸宜返照花當爛熳邊清秋
向陽禮鼠驚還
出入塞羴羊衝自遊直北蕭蕭
纔百里黑山枯
草盡邊頭

其四

土棚八角分平野指點居人
倚可傷秦塞雨
深萌葉紫漢疆風定斷雲黃
戰耕相逼聊婚
嫁租役重嗟况稻梁焦悴沙
頭烏鵲起更無
他樹幾垂楊

其五

驚沙逐馬浩漫漫步下懸深毛髮寒行倦還知
形勝異出奇猶惜道途難石迴雲鳥餘兵壘日
挾煙嵐護帥壇往事新圖詢要領古來邊寄重
衣冠其四

其六

漢武英姿自總戎九旗宛馬駐邊墉熊驚兕伏
龍弓逸霞遶星依玉帳雄今日雉燹來海外暫
時氛禳薄雲中憑高拱揖 皇都盛萬載車書

豈戰功

北寺讌集馮閭山李北溪同韻

少日題詩滿素屏今來塵墨半湮明酒攜蓮社
黃花笑歌遶珠林白鶴鳴塔日清醅依檻度梵
爐霏馥與松平自多故國知音在敞筑焦琴樂
此生天樹萬餘年

西湖泛月日長大雲

畫舸清樽夜不捧空明流彩興飄然星光山影
平鋪底菱渚荷陂冷浸煙地接廣寒疑尺五人

傳聞苑隔三千六橋曲岍汾泗遍漁屋猶聞較
酒錢

立春前一日見大雪

玄冬天樹萬榆端細剪紛飄總釀寒臘盡剛全
三白喜夜深渾是隔年看松軒自掃儲茶鼎茅
屋先教備菜盤間里戲雕獅虎像土牛相伴暮
消殘

幽居初夏雨晴

屋補墻完澍雨過郊原晨氣倍清和虹拖雲霧
無無跡樹引溝陂忽有沱桃李壓枝鶯漸歇葵
榴深午蝶偏多培瓜移竹幽人事鄰里蚕成欲
耨禾

晝睡

合甃鋪茅掩竹房陶然漫試睡心方朦朧紫府
丹丘轉縹緲玄雲碧樹長獨鶴松間暝未覺流
鶯花外轉如狂不知炎日紅塵裏車馬冠裳博
換忙

石梁

天姥峯前問隱淪石梁應在赤城濱
迴臨丹碧浮滄海橫卧瓊瑤隔世人
珠遶芝生馳道澁雲流虹起鏡光新
却疑羽化飛空妙來往飄飄豈渡

臘日

嘉平冉冉收殘歲文會依依復上方
晴濶郊原紛較獵午深臺殿罷焚香
山人獨憶幽風晚鄉俗空傳魯蜡狂
官府三農同望雪天融雪白轉堪傷

王右軍洗墨池

王謝遺蹤夾古坊蒼松碧石藻芹香
揮毫想像書千帖洗墨從容池一方
竹掠晴波縈翠浪月橫浮靄漾玄霜
華臺廣榭更新主崇雅觀瀾屬草堂

寄石菴段子

山菴鑿石出瓊瑤玉乳泉平剗木橋
時倩羽流調雪鹿誤傳龍女餽冰綃
新芝晚桂春相惜縞李頰桃冬不凋
騷雅莊玄俱寂寂風雲經緯漫

飄飄

重遊廣福寺

野橋蘿徑逐縈迴，忽轉重岡碧嶂開。
 殿塔苾芩僧入定，溪山罨畫我重來。
 窺人猿鹿棲幽洞，縮霧杉松翳古臺。
 尚恐題鐫讀未遍，夕陽岩畔撥蒼苔。

郊壇短述

瑞雪融堤霽不消，條風吹度赤闌橋。
 清遊列騎多豪思，冉冉卿雲薄絳霄。

其二

萬隊千廬肅漢儀，泰壇楊柳簇旌旗。
 聞韶野鶴遲鳴舞，雪滿高林無舊枝。

京邸贈玉溪子前平陽太守調南康

鶴月鵬雲接晉汾，翩翩堪向上林分。
 紅塵白髮人間事，風雨寒燈幾共君。

楊柳枝詞

園榭依依煙靄垂，習腰纔熟較新看。
 多情枝上金衣鳥，啼到珠簾欲夕時。

人聞事風日... 然... 詩...

月... 詩...

詩...

詩...

石倉十二代詩選 明三集卷之十一

升菴集

大明

新都楊慎著

後學曹學佺閱

代古日出行

晨登石巒望浮雲何相羊飄風自東來若木迴
其光景耀薄萬里下界猶蒼涼層崕自鬱鬱芳
蒨含春霜草虫一何微感物鳴其傍天池有黃
鵠一舉知園方

雙燕曲

歷代詩選 明黃海亭
歷代詩選 明楊用修
有鳥名飛燕雄雌自相將飲君玉池水巢君文
杏梁美人當軒坐恐澹羅衣裳請君駈除之君
憐不忍傷雛生八九子嬌愛比鳳凰鳴聲何啾
啾聞我庭東廂習飛還不遠墮墜幾扉旁主人
戒廬兒毛羽無摧戕不啄五株桃不喫五畝梁
秋風從西起翩翩向南翔昔爲黃口兒今爲烏
衣郎辭巢謝主人華屋恩難忘願主壽千歲歲
歲巢君堂

幡幡中林葉別內兄黃峻卿

幡幡中林葉迢迢語離別離別不可親稍思隔
南津南津首北路莽莽入煙霧夙昔欣芝蘭痾
體成歡顏只戀携手好豈知行路難前有一樽
酒絃歌清商曲行子唱驪駒主人彈別鵠別鵠
影悠悠寄音下西州一言展契濶再言申綢繆

合歡詠

有序

合歡爲樹夜合朝開枝葉繁互望若蟠
糾風至扶疎了不相牽綴古人所謂青
囊蠲忿者也覽晉人楊方詩聊繼聲焉

可憐合歡樹生我庭東
廂枝枝相糾結葉葉復
飄揚煙交疑覆帳風散
若分香戢華踐西柳開
艷啓東桑周詩驚采綠
楚夢感昏黃贈君以蠟
忿與妾同芬芳

懷音篇寄張惟信學士

昆池望漢沼滇徼視梁岷
音耗兩迢迢眺聽一
傷神他鄉非故園濁水
限清塵悄脰徒佇想送
軀邈何因有客來天末
開緘慰飢渴殷勤訪死
生綢繆申契濶光儀歛
若親窮愁暫如擬萬里

向炎隅五載困羈孤山川
夢張敏岐路泣楊朱
燭龍屢遷舍胎蚌幾盈
虛情隨瘴嵐結魂與迴
飈俱憶昔承嘉會弱植
連英蒂明輪仰重離麗
澤資雙兌取則斧睨柯
同聲竿混籟曳珮步文
昌抽毫逼華蓋鳳液接
鷄栖退食競招携黃山
上林苑玄灞曲江堤齊
鑣拾瑤草對榻然青藜
郢客傳歌妙周郎顧曲
迷傳歌還顧曲權移成
別促寧知嚶鳴鸞忽作
徘徊鵠去去背榮宴行
行赴嚴督三陟阻且長
百雁紛交屬考槃豈中

阿離索異西河螭頭輟彩筆鶴膝擁瑤戈北道
主人少南方遷客多碧雞冠會嶺赤虺隣荒景
闔荆坐剗跡剪茅旋栖影樵爨分獠煙枯槔通
焚井鼓腹畏含沙延頸愁添瘦臯鏡笑邊陲篁
竹跳蠻酋挈家窟草芥乘障襍堦螿乞糧公山
氏貸粟監河侯蓬翹隨樹羽桃梗汎苔漚風霜
瘁筋力蒲柳凋顏色居夷寡鳳嬉求仙拙鷓息
衰白歲不與昏黃月下稷新知詎相聞久要難
見君皎皎共明月悠悠間白雲棄置勿復道伊

誰竟此云天山蘇子卿遼海崔亭伯舐望洛陽
城銷志長安陌跛鼈羞驥伍委羽非鴻翮下漢
饒薄田東臯餘廣澤還鄉尚有期從君訪黃石

題交甫解珮圖

未忍

交甫之楚遊息影依喬木道逢兩仙姝逍遙漢
臯曲星宿綴明璫雲霞裝魅服婉孌蕩榮魂花
艷驚凡目目隨鞞塵揚魂與芳風逐結夢擬陽
臺交辭同阿谷榮華橘是柚貞芳筍成竹江永
不可方微波春自綠

九月三日見新月

纖纖初生月掛我高樓傍常時照歡影今夕流
悲光悲光正徘徊悵望相思臺涼露露襟溼爽
透風幃開絲虫繞階緝火螢穿箔來更添漏水
咽膏滅缸花催莊休歌不發潘仁心已摧商陵
別鷓鴣怨梁樹棲烏哀未抵此時恨長歎獨難裁

出嘉陵江

嘉陵駛且長千里如投梭洋洋若綠水觸石揚
白波透迤似有情相送出褒斜雲氣接江腦日

色破浪花冥冥下無極疑是神龍家垂藤飲猿
狖澹淪棲陽阿中有南行舟遙遙通三巴惜哉
不可往巨石劇狼牙我欲鑿安流手中無莫邪
長歌行路難日暮猶天涯

集弘法寺後圃小山

黃鳥語春晚青林生夏陰禪宮靜鐘梵寧知車
馬音率爾成嘉遇晤言良所欽對酒俯樓殿步
屣陟丘岑謀野既有獲在遠亦會心懷哉幽寂
地茲遊可重尋擾擾望城闔欲去愧塵襟

於離會作

遙遙事行役落落無安居奉義徂江漢成旅候
輜車密親念睽隔賓筵集華裾流聲何肅穆照
夜交瑛璵率爾拜嘉貺何以報相於煙霜易淹
留日月方向除曲湟浮綠藻太液敷丹渠欲嗣
北來音托之西上魚

西使將旋臥病移旬

江漢起秋色池塘生夕陰蕭條衆芳歛喞嘶候
蟲吟清光徘徊映圓景散空林采芝歌不發鍊

藥行相尋隱囊廢丹帙對晃虛清琴懷哉北望
矚愴矣西飛心端憂與雲結商聲隨風駸晏然
山中暮弱懷良難任

行旅

行旅苦日短勞人知路遙忽忽歲云暮客心中
搖搖曠野饒寒氣四望但寂寥嚴霜下豐草朔
風鳴枯條浮雲起爲蓋堅冰結爲橋白日隱餘
照玄陰掩層霄鳴轂無停輪嘶馬不解鑣飛鳥
夕知還征途何迢迢無以慰苦辛興言自成謠

過河內作

晨行河內道曠然清客心太行北麓近丹流東
逝深叢芳金碧听總翠瑛瑤林蒲梢迤餘馥柿
葉垂繁陰在藻歸樂泳遷喬聞好音客行雖云
苦對此一開襟既懷擊壤詠復動滄浪吟古風
美樂土茲情驗爲謀

晨發高堯東丘月渚楊墨池

荒鷄嗥西鄰海霞射東壁又攜孤劍征去作點
蒼容高堯亦吾廬安寧亦予宅屏居三十年宛

如故鄉陌飛屣頻登臨披衣數晨夕別離今幾
時重道感疇昔兒童已長成賔從盡衰白聯榻
情綢繆晤語慰衰瘠此行擬何爲筋力疲疆場
少城雲思紛江陽春夢積一身四處家浮生百
齡迫譜爲勞者歌歌罷轉愁劇

南竄始發京

秋風蕭蕭發驅車出郭東問我今何適竄身向
南中南中萬餘里去去與誰同親交滿京國只
尺難相通且喜脫幽繫未暇悲道窮矯目盼浮

雲徂羨高飛鴻

江陵別內

同泛洞庭波獨上西陵渡孤棹泝寒流天涯歲
將暮此際話離情羈心忽自驚佳期在何許別
恨轉難平蕭條滇海曲相思隔寒燠惠風悲搖
心萼露愁沾足山高瘴癘多鴻鴈少經過故園
千萬里夜夜夢煙蘿

擬青青河畔草

河水清且漣河上多芳草春風二月時千里交

河道交河漢家營荒莽少人行日暮淒風起黃
沙與雲平雲間有孤鴈附書自鄉縣翩翩欲下
來聞絃却驚散草青鴈北飛草枯鴈南歸鴈飛
有歸時征人無還期

辯義井

息壤海脉通幽壑泉華注浚發百尺靈沛澤千
人聚光爛九霞漿美吸三危露朝綆環村氓夕
杓喧隣孺碧甃自葳蕤銀床謝雕鑄南中饒炎
燠北陸無疑涸漱盪冰齒寒存想玄髮駐蒙莊

歷代詩選 明穆宗修
笑瑄蛙義象占谷鮒甘芳本易竭澄堞良難遇
且從投轄飲休傷輻甍賦

和余懋忠青衣別後追寄之作

抽簪畫江沙寫出腸斷詞遙寄百里人見君昨
夜思昨夜復今朝百里又千里歡遊坐成隔垂
離從此始乖離渺何許異國猶鄉土雲從青衣
來月自峨眉吐雲月兩悠悠光景爲君留因之
托宵夢遠到海西頭

大中丞百川張公招飲靜居寺十四韻

韶序屆仲春遲晷正駘蕩好音流睨睨時服改
纖纈英袞枉嘉招夙駕東闈仗祗園敞靜居香
燈護龍象名言析秋毫陸海披珍藏稔歲華忝
豐樂郊天絲颺曲水跡非陳斜川圖可仰披霧
吟沈寥謀野乘閑曠宴粲倚文翁式遺懷葛亮
下走本陳人汎愛容衰恙芟製厠端旒塵容醉
清醜信宿枉仙翰何以酬台貺杲旭燭覆盆靈
籟鳴塞巷永言詎能殫鏤膺矢無忘
言將北上述志一首荅蘇從仁

歷代詩選 明穆宗修
我辭承明直矯志青雲端銷聲絕車馬臥病對
林巒其此臯壤怡謝彼颺霽干晨夕詠鑿井春
秋歌伐檀奔曦豈不疾國火三改鑕遊子戀所
生不獲常懷安微尚何足云弱質良獨難衡門
坐成遠塵冠行復彈已負濩落性更從樗散官
進阻巖廊議退抱江湖歎曠哉宇宙內吾道何
盤桓

送黃才伯

佐册封藩府南渭

泛泛東行舟迢迢南渭流淪波還楚壤派別引

丹丘竹嶼臨湘煙楓門暎離日金節寺邊來青
翰天上出分珪剪桐底鳴珂衣錦鄉江干旋露
蓋海曲卸雲裝西岼牽芙蓉東周折楊柳燕喜
拜華堂鸞謳獻春酒握蘭五夜直采蕭三秋期
跂予飢渴想遲爾瓊樹枝

贈張愈光詩

孔雀生南涪徘徊紫蔚林文采旣彪炳與世亦
殊音時哉固多觴涼羅忽見尋羽毛琴以儷阿
閣迥且深一彈哀鸞唱再撫孤鷄吟荒塗不可

歷代詩選
明林月修
踐爲君愁我心

送曾東石

文鳥生岷山來翔十二樓覽德簫韶下長鳴向
南州翩翩慕儔者睠言不可留河梁一相送飄
風吹方舟山川隔光彩嘉會期三秋清商易終
曲何以慰離愁常恐麗澤遠索居多愆尤馳心
如日月光彩隨南流脫有歸飛翼因之問阻修

送嚴維中

北辭鳴鳳池南登歌鳳臺命儔嘯匹侶殊翼躡
當乖舫船張且歛河水滌復洄靡靡君行邁悠
悠予軫懷離日汀洲下驚飈林葉頽分襟一爲
別懸旌搖以摧會合良不易臨岐重徘徊圭章
多特達清角少喧豗贈言無他勗聲儀望重來

雨宿大寧館

晨櫛充國風夕沐巴嶠雨雲館枕攢峰江亭席
回澣空水相澄鮮林霏自吞吐天籟坐嘯吟煙
蘿共飛舞盼嶠感躡蹄瞻喬憐滯羽懷哉喜霽
吟倦爾愁霖苦稜稜霜野鐘統統寒譙鼓惜無

同懷人乘醪成獨撫

別用貞弟

征馬矯西首離琴揚南音懿親將遠別置酒坐
華林中量豈獨淺強飲不盡斟分手卽岐路千
里在寸陰習習東來風飄飄游子心山川脩且
濶羈思壯難任馳情天一涯結夢江之濤要我
清商節聆子吹篴吟

早秋野眺寄所遲客

蟋蟀鳴歲晏爽鳩起涼氛斜川有名飲中林無
雜群輕輪逐水曲空舲艤江濱煙杪散靈籟寒
漪聚淥文浦思滯滯客洲望夷猶君夢想期華
月徘徊生碧雲小山桂將結幽谷蘭當芬馨香
坐消歇楚音詎相聞

蔬食

蓬樞還老圃藿食遠膏薌小摘中園裏薄采南
澗傍終葵紫含露蓂荷白負霜爍作金釵色齊
爲玉筋長旣飽琅玕腹亦充沆瀣腸糟井甘三
咽蟻丘愁五漿籠殮詎堪享鈎餌寧可嘗願言

歷代詩選 明楊用修 十一
從沮溺從此謝金張

永寧贈任蒼崖

蒼崖金陵彦江陽隱適軸紫擘采靈芝青藜種
山穀匪直起人痾兼用醫士俗驕綠謝雲達鵠
白非日浴石鼎彌明詩錦肆君平卜聯鑣圭里
遊對榻天池宿綢繆情已深繼綵意何篤明當
理歸艤候予春渚曲

六里菁

六里菁何深千章樹如薺俯聽秋蟬鳴翻在幽
澗底澗水何湍湍谷蘭香靡靡不見采芳人誰
爲枕流子日暮心悠哉臨風聊徒倚

溫泉

神丘隱雲岵靈泉渺天河陰火煑玉泉陽暈歛
朱波吹律豈鄒子煉石疑媧娥乳竇沉水碧碕
梁起盤渦漸漸不濡軌汨汨常盈科借賞玩仙
液蘊真洗人痾浴蘭興遠思沐芳味遺歌銅池
漢霧側卸城驪山阿朝宗阻江漢褰裳限牂牁
天隅感流落日暮吟蹉跎

明月子

桂影靜遙天照我綺窻前
窻中出佳麗樓上闌
嬋娟三五嫦娥夕二八箇儂年
金波未成鏡玉
弓才引弦月隨人與媚人與月相憐
自有橫陳
意流光燭錦筵

清宵有清光

清宵有清光虛堂更窈窕
月戶自娟娟風枝何
嫋嫋樓迥寒更遲堦近飛鳥繞
露氣潤層簾星
光涵碧沼美人阻風期幽懷寄天表
瓊想去翼

長寶刻來音杳索居能無言歲月成遐邈

首夏過西園得樂字

青雲何飄飄華彩遠揮霍阿閣翼景龍
芳臯伴
鳴鶴信宿訪煙霞夙尚本丘壑赫曦中
陸永夏
氣南榮薄游樹列丰茸行欄護花藥
還近竹林
遊遂動蘭池作甘瓜浮清泉碧盃
凍寒酪芟製
鳧鷖親林籟官商錯妙理寄沉冥
興懷在歌琴
悠然莊舄心試誦思歸樂

與方思道別

子有東山行訪予東城曲承風動別颺撥景淹
離旭青翰下新波驪駒遵往陸贈言已結詒晤
語猶更僕瀕瀕宣宮商郁郁披華縟煌煌京洛
都濟濟英賢躅端居促席輕分歧馳念篤芝蘭
在久要舟艤失相勗幸駛星駕期共玩春芳綠

園池春晚圖

方塘含廣漪名園饒雜英花蟲丰茸戲水鳥間
關鳴啁啾既萬態藿靡又千名錦純奪豔色笙
簧無雅聲聲色知可翫台遊空復情青雲從東

駛白日向西傾還思玄洲路遠訪丹丘生

夏日登毘盧閣

赫曦改東陸鮮颺轉南薰炎歊深城府清冷阻
江濱隱几倦文竹紉書厭香芸眷言承明侶肅
此塵外群仙梯駕虹出梵閣排霞分攀楹低白
日對檻俯朱雲圓方鵠舉見參差鸞歌聞意樹
鳴天籟禪枝繞煌芬斜景歛平靄飛雨灑高雯
金壘引清酌玉塵生涼氛興謠吐雲藻搖筆揮
風斤香留荀令榻書染羊欣裙竒賞真四美同

歷代詩選
明楊月修
五
詠慙五君

送江景熙

西陸戒嚴兩東溟理仙艫征帆搖孟渚行闕動
吳峴山川成異地岐路感分衢雲中翔乘鴈汀
際隱雙鳧林楓夕響振籬牆霜艷敷蹉跎良遊
阻荏苒芳節徂晨風方發發晚露已塗塗行矣
曠音息因之重踟蹰

送許稚仁得玉字

之子蘊英猷夙齡在仙錄
崑苑采璠琚天閑得

驂駮曳裾青瑣闈焚草明光燭止戈義驟陳諫
獵書曾讀虎旅昔屯邗龍鱗幾髮觸邇載逢休
明沍寒回氲焘羽儀遂高騫離照開四矚坐見
皇風移歛受恩波浴厭直下承明經略盡郊廓
露網馳文軒金鈔耀朱褱豈謂嚶鳴群翻成驪
駒曲回腸繞車輪睽目謬丹綠祖席臨折梅勞
歌聽采棗笛唱引飛鴻絃音催別鵠分曹理毫
素同聲覆杯醪霽宇澄皎霽陽林淨斝旭煙霜
異節驚山川別岐促良會將無疎思君如美玉

歷代詩選 明林用修 卷
安公石館賞並蒂蓮得井字

何處同心花移根七仙井日彩曜聯華風漪漾
雙影金塘宛虹歌翠盎沉霞靜已近交疏窻復
接參差荇露飲對璧人涼颺失炎景南遊遲采
芳相思歲將冷

南館對雪

玄霜有端木玉葉凌雲栽人間驚未見天上還
先開斜飄涼風館平覆露寒臺墻陰明紫界城
隅淨丹埃象廊光掩映鸞掖舞徘徊飛翼纒繞
霽積霰忽成堆三素綦邊瑩六花衣上來東閣
觀梅興南宮視草才熏爐馥朝襍仙醞盈春罍
書停柱下筆歌待郢中催

小春紅梅效徐庾體

風池冰未合雲林葉才彫小梅含紫萼疎英綴
青條飄香寒谷迥靜影月林遙絳雪明玄夜丹
霞凝素朝美人惜瓊樹纖手撫金翹剪綵添花
蘂橫枝當綺寮春杯酌鸚鵡夕幌啓鮫綃鮮粧
呈粉艷醉頰湧紅潮百和鑪煙歇九枝燈燄消

窗通羅浮夢簾隔壽陽嬌笛奏金將落瑟心弄
未調芳華誰與問秀色自孤標

羊皮彩燈屏

鴈足懸秦殿鯨膏朗魏宮何似靈源鞞揚輝玄
夜中百琲添絢爛七采鬪玲瓏洛洞金光徹東
岳玉華融雪毫羞曜日雲母詎障風白石望如
近素絲看若空青精千歲樹丹影五仙虹餘明
如不息還持繼燭龍

春郊得紫字張惟信同賦

韶景臨上春年華屬元巳晉禊首洛濱鄭風詠
溱洧渙川盈蕙蘭芳蹊蔭桃李宛宛流文鶯班
班鶻澤雉園翹豐綠萸水葉牽玄芷百琲佳麗
人千金遊冶子飛蓋雜英前行筵方樹底廣幕
耀周緹袷服矜齊紫野隰被華丹林籟和宮徵
徒倚非送歸躊躇因望美陌上君馬飢閨中妾
蠶起晴絲颺鳴鞘香塵翼還軌冲虛情已遺沉
痾酒仍止請從張茂先清言洞名理

首夏送東城邵園餞彭子充給諫得送字

遲遲東晷移習習南薰動暄樹語綿蠻晴嵐收
 輟竦美人獨搖裝良儔遠相送城隅敞行筵陌
 塵靜飛鞚漸臺高白虎梓澤隣金鳳掛衣女蘿
 谿展席仙霞洞香影散清陰雲液流春瓮鷓首
 且沿洄驪駒大倥惚竹枝巴渝聲桃葉江南弄
 明發聽晨鐘悠悠隔江夢

補范石湖占陰晴諺謠

朝霞不出市暮霞走千里日早雨淋腦日晏鴈
 晒翅天道管難窺農談綽有理星占溼土時諺云

乾星照濕土明日依舊雨月驗仰瓦比諺云月如仰瓦不求自下甯甯鷄

上籠趯趯魚秤水雲起樓梯天諺云樓梯天晒破磚日沒

臙脂紫諺云日沒臙脂紅無雨也有風電光分南北陰霽在俄

晷諺云南閃干虹為水椿兒虹主晴亦主雨明而長者主晴短而

暗者俗呼霧是山巾子諺云山頭戴帽平地滄竈黑猪渡斜

漢夜視天河中有黑雲謂之野猪渡天河金烏抱雙珥日抱耳聒

聒卜蛙鳴疆疆占鵲喜戴帽視泡文謂之戴帽

着裙看瓮底瓮下有濕痕金星驗雜出燈花結

雙藥昕夕恒目擊雨暘如掌指方朔廢射覆洛

閔休曆紀先哲有格言林臥觀無始

舞姬脫鞵歌題畫

潘姬睡起冷金沙弓鞋半脫雙鸞斜越羅襪視
齊紈素彩霞搖裔香生步旱路金藻白日娥芝
田洛浦凌微波曳霜迴雪下平地琉璃滑澤春
雲膩花鬆玉軟嬌無力天公一笑生春色寶蘭
困倚殢蹙跚小玉雙成扶不得起來翹翠踏芳
塵粧臺擗鏡重梳勻人間絕世誰相并月鈎下
鬪細鈎新

垂柳篇

靈光殿前艷陽時志憂館裏光風吹千門萬戶
旌旗色九陌三條雨露姿蒼涼苑日籠燕甸縹
緲宮雲覆京縣芳樹重重歸院迷飄飄點點臨
池見臨池歸院總僊曹應制分題競彩毫詔乘
西第將軍馬詩奪東方學士袍金明綠暗留煙
霧舊燕新鶯換朝暮只知眉黛爲君顰肯信腰
肢有人妬從此沉淪萬里身可憐憔悴四經春
支離散木甘時棄攀折荒亭委路塵搖落秋空

上林遠婆娑生意華年晚腸斷關山明月樓一
聲橫笛清霜坂

燕歌行東程以道

玄兔白兔起邊埃翠眊朱綾選將才玉弩驚天
連馬邑金精埽旦過龍堆甘泉宮裏堯零舉疏
勒城邊汲綆摧射虎瞑中間暗吼落鵬雲外墜
清哀五千深入衝寒雪十萬橫行殷霽雷楊柳
先春旗葉展芙蓉不夜劍花開錦車持節夫人
至貝帶弢弓驕子迴逐北朝移行幕府受降秋
上古輪臺青樓月對唐方出紫塞風從丑角來
擬縛名王歌杕杜肯思中婦詠條枚

題唐人閨秀熨帛圖

碧梧葉落紅閨晚玫瑰敲月催金剪重重海簾
銀蒜垂曲曲山屏皂羅展廣緒懸月月月初臨緹
幕染霜霜已深禁痒銖衣圖夜玉嗟峨寶髻辟
寒金雲母箱開同心鎖鈿鈎香浮九微火秦篝
齊縷鬪紛華蜀錦吳綾分婀娜熨帛申繒憶遠
行遙遙夜夜不勝情百層妾住垂花塢萬里君

居翠葉城垂花翠葉音塵隔春去秋來感行跡
深閨心斷結蠶書絕塞眼穿無鴈帛明燭蘭膏
照獨眠蛾眉曼睩爲誰妍試看裴羽相思夕何
似徐吾共績年

休洗紅

憫山東流賊之亂也

休洗紅紅顏薄命恨難窮蛾眉傾國誰家女十
五織腰媒未通金屋盈盈嬌白日錦窻的的玩
春風戎馬一朝生冀北黃巾萬騎滿山東金繒
賤棄如泥土絕色爭擒獻鎗鋒火燒野田飛墅

鳴雲映東方生蝮竦飄零自身如葉憔悴誰
甘首似蓬當時不識門前客今日能彎馬上弓
婦女何能堅節操丈夫本自不英雄

送李元白侍御巡茶馬

漢家六郡防秋野秦地長城限諸夏單于自款
幕南庭天子非貪大宛馬柱史東臺獬豸冠霜
威北塞斗牛寒衛青驃騎尋常足克國屯田什
一寬隴頭流水停鳴咽朔吹先春飄惠澤好繼
周書王會圖休翻樂府關山月

紫杉行

雉雞斑文孔雀尾紫杉載月八千里越舠楚舵
相並行半入當湖半斬水人生醜好無百年束
縛亦得歸黃泉此物何用一百片水鬼擲掄風
浪顛

養龍坑飛越峰天馬歌

高皇御天開大明龍馬出自養龍坑房星夜下
鹿盧寨天駟曉來驃騎營殿前重瞳回顧盼奚
官仗外爭相迎鷄鳴牛首試控縱鳳師麟儀無

逸驚歸風絕塵羨迅疾逮日先影羞翮輕四蹄
翩然不躐地六飛如在空中行是時雄酋有奢
香左駮壯驪右牝黃貢上金陵一萬匹內廐惟
稱此馬良宸遊清燕幸鸞坡學士承旨讚且歌
飲以蘭池之瑤水秣以芝田之玉禾飛越峰名
自天錫駿骨雖朽名不磨至今百七十歲時山
頭猶有養龍池方經地志或遺漏箐苗洞僚那
能知吾聞天下有道飛黃伏皂又聞王良策馬
車騎滿野前時吉囊寇大同烽火直達甘泉宮

近水莫瀛亂交趾羽書牙璋徧南中安得將星
再降傳友德房宿重孕飛越峰一月三捷獻俘
馘千苑萬旗歌熙雍嗚呼將相寧有種龍馭豈
無媒經途訪跡一興慨郭隗孫陽安在哉長歌
終曲長風來

海風行

下關臨蒼海點蒼之衝有石梁曰天橋
日歲恒風烈偃樹走石人馬辟易予夕
憩客郵聞吼聲傍枕發眴左雄明適過

千嶺今之織蘿不動乃賦以志焉

蒼山峽束滄江口天梁中貫晴雷吼中有不斷
之長風衝波動林沙石走只尺顛崖迥不分征
馬長嘶客低首我行其野歲仲春春寒野陰雲
物屯病骨凌兢坐自躓欲去未來先愁人山靈
相假若有神織蘿不動停颺塵烏鳥聲樂旅顏
破僕夫笑語龐眉伸飜思往昔蘭臺直披襟曾
奮雌雄筆金門玉堂遠別來景差唐勒長相憶
飄蓬落羽向南荒憔悴榮華寧有常不學回風

歷代詩選 明楊用修
悲屈子江邊愁結芰荷衣

離席行送彭二

昔子從軍巴蜀山橫戈千里何間關坐使麒麟
日月煥行收魚鳥風雲閑文武才名歸一姓兄
弟勲華許誰並起晚已謝時運傾當陽再覩乾
坤正陟岡在原來復返海水天風歲將晚行行
白馬燕雪深飛飛黃鵠秦雲遠離堂命酒羽觴
疾畢昂盈軒月東出主人留連客離席慷慨爲
子歌今夕

新開嶺行

廢丘關前榛莽積新開嶺上煙嵐闢新途古道
太多岐暝色荒煙帶征客岍下寒江流水碧崖
畔霜林楓葉赤日暮畏行豺虎陌松燈苴火投
孤驛北渚鳴鼉應遠更南巒哀猿響終夕

苔磯費生畫屏歌

往年嘗愛岑公詩吾觀費子毛骨竒婉變總角
突而弁粉繪風流今在茲素屏八幅君能畫只
尺江陽影仙界寶山春眺立蒼茫海觀秋瀾湧

澎湃龍潭時雨稻苗齊霽雪方山勝剡溪白塔
朝霞紅散綺東崖夜月明如珪荔子丹兮錦林
麗餘甘客舫無留滯避喧可當武陵桃招隱還
同小山桂乘興何須慕遠遊山中日月自悠悠
君不見眉山蕭旭亦好手流落江湖今白頭

琵琶短引

漢宮佳麗呼韓婦黃金捍撥春風手鸞鳳宜承
馭娑恩犬羊翻作穹廬偶行行北斗望南看馬
上一聲堪白首茫茫煙草叫胡笳漠漠塵沙雜

刁斗塞垣三秋少鴈鴻幕庭四月無花柳楓香
絕調今共憐糞英幽恨君知否遺譜誰將異代
傳豔辭出自騷人口賀段本領昔已荒穆曹官
調知何有定子新從北里來管兒不是東墻樓
華表工彫犀四稜錦條自結絲千縷撚絃運軫
翠蚪盤促撾瑟節朱鸞走輪袍古引連鎖新驚
颿截浪忽雷吼曲終賺尾復重頭掩却瓶笙兼
瓦缶良夜邀歡松炬難主翁愛客江魚剖善謔
欣逢宋魏三知音况對唐元九飽諳世事反覆

多甘向天涯淪落久船中肯濕馬曹衫尊前且
進牛炙酒

臥月引爲錢節夫賦

昆明池上逢錢郎青雲爲衣白霓裳手持寶月
金仙偈口誦明星玉女章自言五華峰頭住夢
遊玄圃樊桐路御風學霧兩無心惟愛月華籠
海樹少年名姓懸月中老去猶充脩月戶月裏
仙人宋無忌持斧吳剛作仙使下界愛月升高
丘步虛一聲龍白頭何如放舟臥明月仰看銀

河天倒流乘鸞翳鳳過北斗炤景煌煌酌天酒
玉兔爲脯桂作薪笑携吳宋兩仙人老蟾踏翻
醉不醒嫦娥起舞榆花春

對隱賦得靈巖閣送余懋賢

青衣江水青楓林靈巖樓閣冠靈岑鯨音曉徹
三峰靜漁唱宵連五渡深三峰五渡招提景雙
林入水氛埃屏花雨諸天白壁雲松風六月丹
崖冷丹崖白壁上清虛石竇雲龕縹緲居玄度
每過支遁室陶潛常醉遠公廬子別靈巖歲初

改早見聲儀動江海仙舟玉節下清泠
煙巒霞嶼生光彩巖前落木秋紛紛
樓下澄江靜練紋登臨定擬湯休作好
寄新題向碧雲

錦津舟中對酒別劉善充

錦江煙水星橋渡惜別愁攀江上樹
青青楊柳故鄉遙渺渺征人大荒去
蘇武匈奴十九年誰傳書札上林邊
北風胡馬南枝鳥腸斷當筵蜀國絃
天提學陳西漁品士亭歌

君侯品士如品竹品士亭臯森種玉擬占易象
玩蒼筤逝將詩興歌淇澳游雷半夜稗龍驚
嶰谷先春紫脫生脩織一一如人立節足聲聲學
鳳鳴伶倫律管迷宮徵千載元聲元不死文章
迥出珊瑚枝簫韶猶在瀟湘水黑頭心期汗青
日獨騎魯麟續孔筆禮樂攻吾化雨滂藻藝繪
帝卿雲密赤闌西面最宜秋靈籟沉沉顥氣浮
手中九苞屬天匠眼前萬物供冥搜江湖那容
閑袖手三山六鼇亦何有只今赤管輝金章豈

數當年靳許昌甘露竹花何漠漠此地容無此
亭著乾坤光燄燭滇陞早晚勛華上阿閣

隲括劉緩李巨仁及古鏡銘語

君家寶鏡何年世土花苔葉新開翳茱萸匣掩
鷓鴣斑珊瑚臺掛蟾蜍臺是軒轅鏡姓溫背
後銘文宜子孫海氣空濛若圓慳勾欄匝匝似
城門雄鳳雌凰本自雙左龍右虎順陰陽繡戶
無波菱自動沙窻不夜月恒光上有仙人不知
老渴飲玉泉飢食棗嫦娥休上廣寒宮倥侗同

住蓬萊島

爲唐南池題秋江遠眺圖

秋空沈寥秋影濶魚尾霞收雲一抹千崖有靄
風落山萬壑無聲水歸末槎枒老木擎虬龍椽
檝平林叫鷓鴣不聞金籟似竿鳴但見翠微如
黛潑宰堵僧睇迥不昏略豹樵行危易怛一變
赤燒楓人明萬帶黃雲稻孫割尋穴玄駒迷東
西卜樹烏鴉相叫聒詞客頻將技癢搔畫工欲
把天機奪老倦捫蘿與攀葛倚闌獨把吟鬚捋

遙岑寸碧天杵倚遠目雙明海月掇開樽披圖
興不淺烏絲欄界玄霜沫爲君走筆賦新詩却
笑蕭郎擊銅鉢

赤虺河行

君不見赤虺河源出芒部虎豹之林猿猱路層
冰深雪不可通千尋建木撐寒空明堂大厦採
梁棟工師估客穿蒙籠此水奔流似飛箭縛筏
乘桴下蜀甸黠淡灩澦險倍過海洋流沙爭一
線誰驅烏鵲役鼉鼉秋濤夏潦息盤渦栢臺雲

屏濟川手奠民枕席休干戈安得脩爲夷唐道
鑄刻靈陶垂不磨

華燈引琴思漢調

燭龍潛耀顧兔微金缸委照玄夜暉蘭膈吐燄
芙蓉歲熒熒火齊歎煌璣九枝絢爛虹九圍丹
鯨樹鬢蟠彩暈長明掃暈蛾停飛啼鳥聲瑋瓊
瓏屏東山戎旅吟伊威鳴梧高張黼低帷背壁
抱影鼓思歸星翻漢回海漏稀

題扇贈張愈光

張子扇頭水墨痕畫我讀書秋樹根天涯獨此
各感慨我未成歸子苦奔空谷白駒形影瘦南
山玄豹風塵昏孔明廟前老栢樹商聲激越歌
無句門外僕夫引西路點蒼璘璘莽回互

禹碑歌

禹碑在衡山絕頂韓文公詩云岫嶺山
尖神禹碑字青石赤形模竒科斗翻身
薤倒披鸞漂鳳泊挈龍螭事嚴迹闕鬼
莫窺道士獨上偶見之我來咨嗟涕漣

而千搜萬索何處有森森綠樹猿猱悲
詳詩語始終公蓋至其地矣未見其碑
也所謂青字赤石之形模科斗鸞鳳之
點畫述道士口語耳若見之矣發揮稱
贊豈在石鼓下哉迨宋朱張同遊南岳
訪求復不獲後晦公著韓文考異遂謂
衡山實無此碑反以韓詩爲傳聞之誤
云再考六一集古錄趙明成金石錄鄭
漁仲金石略之三家者古刻明列無遺

獨不見所謂禹碑者則自昔好古名流
得見是刻亦罕矣碧泉老子得墨本於
楚持以貺予予撫卷而歎曰嗟乎韓公
所謂事嚴迹闕者信夫不然何三千餘
年而完整無泐如此何昔之晦何今之
顯晦者何或翳之顯者何或啓之天壽
珍物神飶吾嗜不必以生世太晚爲恨
也已作禹碑歌以紀之

神禹碑在岫嶠尖祝融之峰凌朱炎龍畫傍分
結搆古螺書匾刻戈鋒鋸萬八千丈不可上仙
肩靈鑰幽以潛昌黎南遷曾一過紛披芙蓉塞
水簾天柱夜瞰星辰下雲堂朝見陽輝暹追尋
夏載赤石峻封埋古刻蒼苔黏峯科倒薤形已
近鸞漂鳳泊辭何纖墨本留傳世應罕青字名
狀人空瞻永叔明誠及浹滌集古金石窮該兼
眎列箴銘暨欵識橫陳軒牕和釜鬻胡爲至寶
友棄置拮據磨礪捐烏贍又聞朱張遊岳麓霽
雪天風影佩褱搜竒索秘跡欲徧春唱撞和詩

無厭七日崎嶇信有覲一字膏馥寧忘拈非關
喘噪阻登陟定是藤葛籠窺覘好古予生嗟太
晚拜嘉君貺情深收老眼增明若發覆尺喙禁
斷如施箝七十七字掣螭虎三千餘歲叢蛇蝘
意昔乾坤漏息壤蕩析蒸庶依苓慘帝嗟懷襄
咨文命卿佐洛洞分憂惓洲并渚混沒營窟鳥
迹獸迹交門簷搨來南雲又北夢直罄西被仍
東漸黃熊三足變鮫服白狐九尾歌龐髀後乘
包湖受玉籙前列溫洛呈疇臚永奔窟舞那辭

抵平成天地猶垂謙華嶽泰衡祗鎮定鬱塞昏
徙逃喞噏文章絢爛懸日月風雷呵護環屏黔
君不見周原石鼓半已泐秦湫楚詛全皆殲此
碑雖存豈易得嶂有嵐靄峰堪巖楚音夔絕柱
藜藿吊影颺瑟森櫛栱湘娥遺佩冷斑竹山鬼
結旗零翠蘇造物精英忌洩露祗恐羽化難留
淹欲摹拓本鐫崖壁要使好事傳緗縑著書重
訂琳瑯譜裝帖新耀瓊瑤籤麝煤輕翰蟬翅榻
煩君再寄西飛鷁

水峽驛觀瀑布泉行

水峽羣山日月昏飛泉百道接江門猶龍近逐
晴虹掛似馬遙看正練奔懸紳瀑布屏風疊砮
崖轉石青天折三千尺下直難量十二嶠流承
不絕煙騫霧捲滴珠槽靄淨嵐沉冷玉膏莊周
虛說黿梁險枚叟空誇鷺磧濤一從流戍辭巴
蜀幾迴于役行荒服百丈頻經水峽牽孤燈慣
向江門宿織蘿不動月明天彷彿桃源擬問仙
滄溟有氣張圓橙銀漢無聲瀉直弦山水清輝

殊可樂也覺蟠胸飽丘壑乘興聊賡太白篇知
音莫笑徐疑惡

贈張生一鵬歸涪江筭東太宰松泉夏公

嘉君新自涪州至袖有松泉經歲字江潭憔悴
采離騷丘壑風流閑啓事西窗剪燭話巴山空
谷楚音一解顏何日陶潛三徑就追隨范蠡五
湖間

宿金沙江

往年曾向嘉陵宿驛樓東畔闌干曲江聲徹夜

歷代詩選 閩核月作 三五
攬離愁月色中天照幽獨豈意飄零瘴海頭嘉
陵回首轉悠悠江聲月色那堪說腸斷金沙萬
里樓

毛女引

雌螯架濤擊海嶼秦橋遠見扶桑翠徐福樓船
去不還江壁俄傳蒼水使椒煙蘭霧卷衣人化
作烏雕一炬塵老龍鱗下毛衣女獨坐蓮峰閱
幾秦

高曉曉發過滇

碧鷄關頭月上霞高曉海色分人家菱塘眠柳
猶藏鴉雙雙柔櫓聲啞啞船尾風輕浪不花轉
盼已屆滇之涯

觀汝南王玉磬碑引

汝南帝子真天人冰壺玉樹凌風塵心源早契
空門地意象遠寄荒岑濱步折峰頭翠肌草直
登萬頃層霞杪金鞭九馬蒼煙叢霓旌千騎紅
雲島伐石何人得磬襄豐碑擊作聲琳琅鳳凰
毛羽落丹穴蛟龍文采蟠銀潢山圖郡乘收難

歷代詩選
王儂跡留可憐南浦西山外猶有鳴鸞歌舞樓
采波瀾東逝星辰改眼見雙林成古丘誰問君
青海引
長白山前嘯黑風桔槔火照甘泉紅五千貂錦
血邊草單于夜帳移湟中華林酒艷長庚醉沉
香春濃海棠睡金馬門如萬里遙那知青海城
頭事

田家喜晴謠

玉女投壺玉皇側海童拖靄海天黑風花閃日

日笑雲雲氣烘爲雀頭色須臾變作樓梯天黃
綿襖出晒破磚茅簷夜望黎星沒蘆絮飛殘水
生骨

流螢篇

癸巳之夏臥病三塔寺地多榛莽螢飛
緜夕感東山之詩及唐人之賦率爾操
觚爲流螢篇

沉沉鴈沼鬱棲連隱隱龍宮熠燿然濛濛晴零雨
東山下颯轉薰風南陸邊可憐合暈暉玄夜可

歷代詩選 卷之二十一 月夜
惜分華蔟絳天絳天玄夜景微茫水簾銀牀漏
未央誰家院落非天燭何處園林不夜光夜光
灑露下天燭涼氛瀉陰火遙穿翡翠簾流星近
度鴛鴦瓦此時蟋蟀罷宵征此際蜩蟬停沸聲
長門團扇斑姬闥阿房卷衣秦后屏蘇婦下機
救不理卓女當壚酒半醒爲見流螢思遠道爲
感流年惜芳艸暝看雙星炯不眠曉望長河白
和 結 湯子從軍向月支閨人對影滯秋期蠶書
宛轉連環字鴈帛殷勤織錦詩願得逢君拾光

彩不教賤妾歛愁眉

梅花引

層城靈苑上林中芳菲奇樹幾多叢華滋一一
寒圭變彩艷紛紛朔籟空年歸淑氣新瑤芸動
瑄塵其憐梅花早迎陽已逗春吐華四照林含
英九衢路玉綴明冰懸珠離零電布漂雪影遙
沉隨風香遠度靡靡挂遊絲霏霏雜驚霧樓上
爭落粉機中妬紈素二八三五年蘭心蕙質嫺
采芳驚稚節抱恨惜餘寒相服華袿薄文衣繡

騷單顧影下瑤妃纖手弄嬌姿雙開翠琅牖四
捲絳羅帷春風吹梅畏落盡賤妾坐此斂蛾眉
琴聲吟弄梅花落鏡裏容華恐失時

伯勞吟

南中有鳥名伯勞禽經羽族稱雄豪曾隸九苞

來棘竹

俗呼伯勞爲鳳凰鳥隸

耻隨百舌繞蓬蒿青春受

謝四月維夏茂樹薰風長林短夜伊伊嗷嗷未
有聲架架格格先鷄鳴堦前停影笛江上任鼉
更熠燿收燈火蟋蟀罷纂箏村婦侵星提甕汲

山農帶月架犁耕戴勝降桑人共羨鷓鴣歌芳
君不見寄信難憑北去鴻單栖肯逐西飛燕故
鄉迢迢水雲深客遊聞此幾驚心何時高枕松
窻下細聽桐花小鳳吟

過駐節橋讀東阜劉遠夫公碑文有感

溪尾水泐泐峰頭正夕曛含悽經駐節洒淚讀
遺文橋南花如浣花好橋北油油生碧草草色
逐年新花開又一春可憐東阜客今作北邙塵
憶昨錦江離別處江邊手折垂楊樹千里還鄉

不見君斷腸隣笛山陽賦

松谷歌

爲陳太史賦

桂山漫招隱桃源何渺茫何如徂徠松明堂克
棟梁君材本是明堂質昂霄聳壑寥天一九臯
瑞露饒聲聞三徑歲寒偕膠漆顧我輕塵弱草
同神交萬里尺書通何時九頂南岷下共聽陶
家一枕風

陽關圖引

行行重行行送客安西征可憐渭城曲已作陽

關聲陽關去渭城四千五百里纔聞征馬嘶初
見行塵起行塵征馬短亭前弱柳垂楊古道邊
已憐柳葉青如線更愛楊花白似綿柳葉楊花
春正好輪車且駐長安道玉壺清酒競芬芬金
谷艷歌姝窈窕徘徊共勸少留連泯默相看兩
傾倒別鶴離鸞曲易終百鷓飛燕互西東搖搖
翠幃城隅日獵獵紅旗野渡風斷歌零舞情難
寫分手回頭淚盈把安閒堪羨采薪人瀟灑誰
如釣漁者天涯風物異方身爭似在家相對貧

鄉夢三更懸馬首迴腸九折繞車輪銷磨歲月
緣名利鴻飛不至人偏至我所思兮明月同君
之出矣浮雲異龍眠古刻昏莓苔蕭郎彩筆生
綃開銷魂莫續江淹賦好詠陶潛歸去來

東西南北引

北騎與南舟山川非壯遊東迎又西送日月老
賓從弧矢生而爲男子東西南北四方事余何
爲者將無同水中漂梗風中蓬中夜起坐萬感
集啜其泣矣何嗟及

鄒生行贈謙之編修謫官廣德

彗星夜掃文昌宮天下學士悲途窮鄒生上書
叫閭闔九關虎豹誰爲通雷公號怒玉女笑囚
斂鸞鳳隨沙虫蠖伸龍屈應物理曲鉤直弦羞
謠童君不見賈生昔遇漢文帝一疏反覆雙流
涕忠臣自古憂聖明近侍何曾忘獻替石渠天
祿君少年文彩照耀金華筵從祀擬奮獲麟筆
豐稱須陳雉雉篇以茲瓠落日流放金馬長鳴
下仙仗北極逍遙紫氣傍南陵彷彿丹丘上涼

歷代詩選
風蕭蕭吹五兩登巔聊騁平原望遷客心隨江
水流遊子夢繞浮雲嶂清商吟激楚唱酒闌擊
節氣悲壯月寒江清劍光盪水有蛟螭陸犀象
感慨贈君隨君向君向江湖脫網羅我淹京邑
阻煙波乘風馬得騎鴻鵠萬里相隨一羽過

送余學官歸羅江

豆子山打瓦鼓陽坪關撒白雨白雨下娶龍女
織得絹二丈五一半屬羅江一半屬玄武我誦
綿州歌思鄉心獨苦送君歸羅江浦

交河令行贈袁子變

袁侯出宰古交河銅章墨綬雜雕戈黃雲高闕
芳菲少紫塞長城氛祲多桑榆蔭入嫖姚幕絃
誦音諧勅勒歌公主琵琶玉連鎖將軍驥裏金
盤陀袁侯雕龍且韜豹白羽指揮坐中翽阮瑀
單書王粲詩魯連飛箭劉琨嘯始信扶顛籌策
良赫赫威稜動北荒虎鈴帳外關山月燕寢香
中鼓角霜君不見隆州虞允文海鱗船破百萬
軍又不見巴渝甘興霸江表虎臣雄兵下古來

文武道本同樽俎笑談能折衝六鈞弓與一丁
字調言悠悠非至公 九重側席思儒將丙夜
庚牌下天上莫嗟騏驥困鹽車會見漢庭魏徵
尚

三岔驛

三岔驛十字路北去南來幾朝暮朝見揚揚擁
蓋來暮看寂寂回車去今古銷沉名利中短亭
流水長亭樹

送樊九岡副使歸新繁

別君於南雲碧鷄之澤追君於東城金馬之坡
酌君以蓮葉清麴之酒侑君以竹枝巴渝之歌
天涯岐路鎮長在故人零落渾無多憶昔君爲
漢陽守滄浪之清古無有拂衣掉頭不肯顧飲
水舊謠在人口明詔復起句町行官突未黔先
濯纓宦遊不博歸故里榮祿何如全令名九隴
高岡白雲野吾廬世耕在其下清泠好結鷗鷺
盟春秋願醉鷄豚社蜃雨蠻煙老玉關小山叢
桂不同攀愁心如月何時掇夜夜隨君夢裏還

江上聞箏曲

清江明月懸光彩，映漪漣燈影近。臨水箏聲遙，
出船明月華燈兩相照。箏語絃聲何要妙，輕璘
縟彩艷。陽歌掩抑摧藏苦，寒調不見新粧出鏡
臺。想應纖手拂香埃，若非汝南劉碧玉。定是秦
中薛夜來。二八蛾眉競丰稭，十三鴈足傳情徧。
溫侯帳底氣若虹，謝傳筵前淚如霰。舊寵新期
容易乖，高張疏節迥難諧。金杯漫自傳芳酒，羅
袖空勞掛玉釵。曲終如鼓湘靈瑟，斷腸似和胡

笳拍凌雲未遇，挾天才幽吟一夜東方白。

青城紀遊贈劉珥江

愛山人少說山多名山之約，恒蹉跎羨君胸次
有丘壑。偕余步履尋松蘿，晨發浣花道夕憩郫
筒阿。千雲閣上蠹簡散，杜宇城頭烏尾訛。鴻濛
峇崢臨天谷，崕阜嶮嶮瞰驚波。離堆何佛蟠，巖
巖都堰蜿蜒壓。蛟鼉翩如楚磯駕，黃鶴駛如蜀
棧騎。青螺昌黎扶掖赤藤杖，謝公屐齒青苔窠。
王喬雙舄能濟勝，鄭虔簷花同經過。伏龍仙觀

歷代詩選
月林月仙
模斷碣疏江新亭聽俚歌下瀨千筏風外鷁遙
岑一點煙中螺漏天夜雨丹枕警朝雲解駁紅
鏡磨玉壺携春恣談笑銀鞍傍險仍婆娑明月
津亭又分袂睽景復命江陽舸聊書短韵邀君
和青城回首青嵯峨

太華寺別張季文

華頂雲滇海月携手三度遊同心兩迴別携手
同心此地分他鄉客路復離羣明年載酒花林
下啼鳥春山誰共聞

畫草蟲爲黃月坡賦

天下幾人畫草蟲吳興公子癡孫隆水縑雪練
鳴趨趨丹屏繡几飛薨薨漁父蜻蜒愛釣縷美
人蟋蟀嫌鵬籠百種生意何融融夷羊非羊鴻
非鴻長卿帶晚翠簡子矜秋紅王孫西遊歸未
得清江碧草煙濛濛憶昔曹不興點蠅惑顛翁
滕王掃蛟蝶摹榻喧唐宮宋家道君入能品鸞
標籠軸沉毡穹古來好手竟寂寞老癡江東灑
絕跡君不見醯鷄發覆天夢夢蝶飛磴雨春飛

風小痴大黠應物理孫痴非痴乃其聰痴翁之
死誰繼出西川曹狂稱罷工痴狂乃有兩絕藝
燦耀滇南與江東竭來曹狂數相見吮毫蠲紙
驚飛蓬月坡仙人好奇者賞鑒自與山谷通鳳
嬉亭前月瞳瞳更僕不知寒漏終銅盤燒蠟春
如烘懸圖索賦何匆匆致脚細字盈方空酒酣
操觚持似公雕刻自愧吾家雄

詠梅九言

昨夜小春十月微陽回綠萼梅蕊早傍南枝開

折贈未寄陸凱隴頭去相思忽到盧仝窻下來
歌殘水調沉珠明月浦舞破山香碎玉凌風臺
錯恨高樓三弄叫雲笛無奈二十四番花信催

羅甸吟

苴蘭方號鬼貴竹甸名羅牛涔枉稱海駿坂猶
題坡林餘楚箏輅杖識漢牂牁久戍勞行惻天
高奈若何

古怨

游樹正丰茸清防深幾重金星長樂漏壁月景

陽鐘掃粉趙飛燕捲衣秦祖龍粧成獨不見傾
國爲誰容

游女行

東風春正韶南浦美人嬌下蔡君休問上官誰
敢邀折月斜寶珥映水正金翹娉婷惜未嫁應
待逐文簫

採藥

危蹬捫蘿上名山採藥遊木條刊落鴈籬菜剪
牽牛簡子紅仍艷長卿翠欲流三花聊永夕一

葉莫驚秋

蒼松韶關吊孫松山中丞
京兆推孫寶郇瑕得智罄才教烽火靜已見謗
書盈夢斷瓊瑰水魂歸貫索城故山聞笛處松
壑動悲聲

閏春廿日夢在金沙寺與劉珥江及三際
禪侶清話覺後因記之并寄珥江

錦水白蘋渚金沙青豆房名僧偕梵志才子共
劉郎覺路花非染靈山草亦香碧雲牽別夢忽

寤在江陽

桐花

曲水惠風輕桐花正吐英枝條引晨露門巷近
清明剪剪寒應盡霏霏雪不驚啄花天鳳小又
見綠陰成

江陽秋熱八月作

四序重開夏三炎未解威心遲冰雪節體想菱
荷衣靈籟無清吹嵐光滅翠微聞風與玄圃羽
翼詎能飛

西陵夕泊江陵

西陵白雪晴南浦綠波生海燕先春至沙禽恒
夜驚竹房燈下市菱觴月中筭且醉桑郎酒休
傷萍客情

乙酉元日新添館中喜晴

白日臨元歲玄雲放曉晴城窺冰壑迥樓射雪
峰明客鯉何時到賓鴻昨夜驚離心似芳草處
處逐春生

西使後期東尹舜弼

綠蟻離觴困青驪首路淹江臯遲白日嶽麓近
朱炎別夢春猶隔勞歌夜未厭刀頭詎可問飛
鏡轉纖纖

琉璃河

碧水琉璃淨朱橋牛斗新風花回曲岍春樹隱
平津清夢繞江汜佳遊限洛濱肯停飛蓋影未
洗化衣塵

孟津

河曲風煙古天涯旅望深津樓環日漱碣石帶

雲岑竹箭春添溜蒲帆暝逗陰岷源千萬里何
處是江濤

青橋

閣道盤雲棧郵亭枕水涯猿猱臨客路雞犬隔
仙家風起青丘樹春迷玉洞花旅懷今日豁停
憶問褒斜

錦城夕

錦波澄霽色丹樓生晚輝江光二流暝橋影七
星稀南陌驂駢度東城鐘漏微猶明叔度火未

息文君機

九日遂寧縣郭西登高

煙霞萬里開鴻鴈幾行來江近飛鳥國山高戲
馬臺霜華沾旅服霞影落僊杯坐惜佳辰晚斜
春未擬回

咸陽

帝里繁華歇神皇歲月多秦城依北斗渭水象
天河頽堞無遺土驚川有逝波丘陵沉霸氣松
栢起悲歌

碓石道

石壕環陝驛澗水帶嶠關東望封泥谷南連積
甲山秦輪無隻返趙璧有雙還陳跡虛無裏荒
臺蔓草間

觀刈稻紀諺

平章門外路散策喜涼天雨漲青蛙水秋成白
鶴田林塘聞牧笛墟里起炊煙欲問滄洲趣無
人爲唱傳

又

歷代詩選
明修
田父邀予說秋成此歲多草頭占月暈米價問
天河樂土寧無味豐年亦有歌惟愁軍餉急松
茂正干戈

宿龍宇寺

二妙此招攜雙林狎遁棲禪僧香霧窟樵子薄
雲梯寶樹飈埃淨曇花色相迷有爲應笑法詩
句續燈題

永寧諸賢送至魚鳧關

遠送魚鳧外離情奈若何今晨岐路泣昨夜燭

房歌西上滇雲影東流蘭水波生還如有日相
伴老漁簑

再會東晦

南來復北去暫會又離羣投館日卓午緩程春
正分楊園花勝雪雉堞粉如雲白首猶行役勞
勞愧隱君

正月十一日宿祿豐寄丘月渚楊溪山張

見梅楊墨池

客星無定影驚鵲又遷枝避地仍多阻還家未

有期東橋花月夜南浦蕙風時攜手難同賞勞
歌寄所思

宿積翠巖

曉色動香塵天風雜梵聲鷄鳴關樹白龍臥海
波清湘浦行捐佩滄浪坐濯纓思歸還引望懷
古若爲情

遊玉案山寶珠寺

名山已發興空宇復離羣開樓見西海出岫指
南雲泉華玉霽接風籟紫霄開前朝一片石金

薤薢苔文

酬金秀才

伏枕抱疾日閉關餘春時欣聞空谷響適與中
林期清風灑蘭藻零雨坐茅茨翻然不可見悠
哉寄遐思

烏撒喜晴

易見黃河清難逢烏撒晴陰霾旣已豁險道况
復平蜀日杳千里滇雲惟十程江花與江草異
國看春生

太華寺卽事

舊雨高堯上新晴太華中松門愷山靄蘭渚鏡
文虹鐘動煙花紫燈然暝色葱山僧多養馬疑
是古支公

大相公嶺

九折刺史坂七擒丞相橋沉黎漢原古嚴道蜀
關遙策馬冰槽滑乘橈雪凇消我行再經此感
慨一長謠

答馬敬臣

北闕承恩譴南荒作旅人可堪同瘴癘猶自隔
音塵鶴嶺霏煙外螳川積水濱三年不相見兩
地各相神

謝楊肅菴都諫惠筆

彤管分青瑣瓊緘到紫巖草玄悲執戟花夢老
江淹嶰谷籥龍健寒宮桂兔尖無因白雪唱空
擬碧雲瞻

過石椿村訪唐河東刺史王仁求碑

唐代河東守周朝聖曆時土花封綠字石髮被

金碑泣露麟猶臥嘶風馬自悲荒原誰過問郡
乘不曾知

海簞

卽葑田也浮於水中東西往來

芳洲隱蘋末葑埒寄蘆中上下隨春水東西逐
夜風浮家還泛宅斷梗復飄蓬感物傷羈思生
涯愧海翁

詠霜

天駟粲寒芒青腰騁素粧珠簾銀蒜白金井碧
梧黃漢署宵鐘徹胡庭曉角長豐貂無暖色坐

待燭龍光

詠琵琶

迴窻映華表連環擊錦絛桃葉雙鬟小楓香一
調高牛羊上青塚狐兔沒黃蒿留賓芳夜促且
欲醉蒲桃

折楊柳

白雪新年盡東風昨夜驚芳菲隨處滿楊柳最
多情染作春衣色吹爲玉笛聲如何千里別只
贈一枝行

重過華清宮

繡嶺仙人閣華清玉女湯山川猶氣象臺殿久
荒涼暖水生煙霧寒松受雪霜碑文無歲月螭
首臥牛羊

送余懋忠

河上冰猶合關山鴈未回君行阻舟楫征馬犯
塵埃天遠驚離袂春寒入勸盃江東碧雲外日
暮獨悠哉

春雨

春雨掩柴扉勾芒力尚微潤通仄蔓水寒透木
綿衣大澤龍蛇遠空林鳥雀稀山翁多甲子杖
屨候芳菲

清源樓觀漲

潢潦飛欄外洪波古堞前山收玄豹雨江展白
虹天牛馬迷昏谷魚龍失故淵樵人歸太晚隔
浦認炊煙

寒食見梨花

寒食村藏寺晴光水見沙老僧閑貝葉邀客看

梨花塵外冰壺瑩風前玉樹斜洗粧猶待雨春
態倚雲霞

送朱參政良矩還金華

仙人無白髮何事早歸山東海文鯨逝南雲倦
鳥還竹林同晉逸芝嶺異商顏明月和清夢隨
君度雪關

秋夕高曉早起

獨向高曉宿遙聞水寺鐘疎燈青耿壁斜月翠
沉峰星點螢穿竹潮音鶴舞松明湖開曉鏡倒

影木芙蓉

寄世村曉

水寺霜鐘起山樓曉堞迷長庚配殘月斜漢界
晴霓犬吠聲如豹蠅喧聽似雞老懷渾不寐遙
夕又新題

寄張愈光

劉安悲落木曹植感飛蓬夜雨燈前夢秋霜鏡
裏容縣縣思遠道戚戚苦無踪何日來仙駕青
天騎白龍

高曉夕

雌霓晴橋跨雄風晚籟斜綠疇翻耙稏蒼浦贗
蒹葭樵隱同山麓漁商集水涯荒村門早閉卜
樹已歸鴉

贈別陸後野

邂逅叶心期燈花對酒卮浮雲遷客夢明月美
人詩館曙鳴雞早關寒度馬遲行過宜祿驛好
寄世南碑

送人之吳楚

佳麗東南地登臨罨畫中竹雲籠曉渚梅雨澹
煙空風順帆如馬天高月似弓哀歌休拔劍槎
上覓仙翁

舟曉

羈心厭漏遲未曉命舟師樹過如人立帆開覺
舛移天梭星落織霞錦日張絲漸喜漁村近炊
煙出竹籬

與胡在軒簡西岳泛舟至柳壩晚歸

北風吹海舛擁沫聚銀沙去棹穿汀葉歸帆拂

歷代詩選
明楊升修
渚花鵝兒黃似酒楊柳綠藏鴉物色撩人醉醉
歌凌紫霞

沙河縣

空磧少人煙孤城大道邊平沙盤馬路殘雪射
鵬天野日三竿上河冰百片穿條風將變柳客
思感流年

新正六日隨徐子容郭介甫唐守之登鏡

光閣一首

抱病強尋春開愁是此辰瑤峰初霽雪鏡水不

生塵仙閣通青漢
皇圖望紫宸城隅纖草出
官路遠楊新麗藻留金馬煙花對玉人風光知
漸好搖蕩曲江濱

至後雪

白雪晃玄陰清都帶玉岑原鱗春盎盎宮雉曉
沉沉朔氣龍沙遠寒光鴈渚深色裁班女扇聲
入楚姬琴黃竹當停奏幽蘭且罷吟瑤華如可
贈持此慰離心

送石熊峰閣老代祀泰山闕里

云亭炎帝館洙泗魯王宮百代聲名遠千秋望
秩同郊禋元祀啓盼蠻九幽通莫玉分宸獻函
香領鉅公璣衡旋斗北奎壁映天東鯨澤觀滄
海鴻逵指岱蒙五松煙杪蓋雙檜雨稍叢華袞
遺經在金泥故簡空銘崖晴倒景文棟曉舒虹
仙碣秦觀罷靈旂濩舞終周筵晞湛露舜殿轉
薰風肅肅攀歸鞅明明翊化工

涪江泛舟

明月沉清露秋風起白雲蘭橈乘溜急木葉下

江聞爽籟金懸奏遙峰翠積氛碧潭留鴈影錦
泖散虹文旅望隨天豁幽阿與歲分登臨知自
好寂寞其誰云

送彭胡之官保靖

青楓帶楚鄉紅旆引吳航溪洞連辰浦峰巒近
酉陽稻田多有歲橘樹不知霜葦籥祈盤瓠叢
詞賽竹郎蠻歌花節髻公讌桂沾漿因爾詢風
土圖經遠寄將

薰橘

綠橘試新霜金丸綴紫房美人憐節物含笑出
長廊玉手勞親摘朱唇不忍嘗濃薰九微火清
芬百和香捧持青玉案投贈白雲鄉桃李終成
俗芝蘭豈並芳真堪頌屈子詎許擲潘郎羅帕
分珍賜猶疑出上方

詠嶽子

鼉記軒轅鼓龜升夏禹圖堯零清紫塞寓望拱
皇都水隔生煙直山遮落照孤道人春振鐸亭
長晚吹菰原樹遙分薺城荒遠辨蕪淋鈴蜀棧

雨疲旆楚江鱸客思虛悲梗吾生實射弧駉駉
達自達鬼鹿徑休迂

崇聖寺

塵劫非人境煙霞是佛都山開銀色界海涌玉
浮圖追蠡形猶壯伽藍跡已蕪經函飄粉蠹畫
壁剥天吳零雨頽墻草驚風廢井梧禪心隨夜
寂旅望對秋孤遠目窮千里傾懷倒百壺狂歌
意無極感此歲云徂

春泛昆陽海口

洪池環貝闕清籟切龍淵光騰馬躍渚潤入象
耕田錦紋浮澹淡金碧映淪漣津吏醉持楫漁
郎歌扣舷白浪認前浦丹霞分遠天蒙籠山鬼
洞遙喬海童煙別籟鳴空外歸雲望日邊向夕
長風起愁吟江漢篇

孟夏苦雨不絕

積雨千家靜停雲八表昏青苔封甲子白水漏
乾坤祗益黔巫瘴虛沾屏翳恩愁零詩欲繼繁
露術空存潮汐宵通井津梁曉隔門何時集車

馬明月對琴樽

秋夕效六朝體

美人別我去春恨滿蘼蕪况是新秋夕相思芳
歲徂月纖京兆畫星點漢臯珠峰霞張錦頰池
漱湛清臚物色那堪對情悰可忍孤將懷結楚
夢流思向雲巫

荅彭子坤

異縣悲南國同車感北風霜清淮浦澗木落楚
江空危坂難迴馬炎方少去鴻望歸天共遠惜

歷代詩選 明楊用修
別歲將窮海曲飛鳴隔山梁飲啄同從軍古云
樂况復九夷通

送周子顓工部北還

潘岳賦西征江淹黯別情羊腸縈隴坂龍角繞
吳城晚照澄江靜星浮洞浦清石帆風外矗沙
鏡雨中明愁聽丹楓落勞歌白芷生杪秋遙夕
夢殘月半長庚

池上會心亭初成與客小飲

故鄉歸未得暇日且銷憂仙地那能縮吾廬亦

自幽垂楊覆鍛沼修竹引觴流桂白淮山晚梨
紅張谷秋煙林平似織雲樹鬱如浮卽此堪招
隱無勞賦遠遊

四月八日觀李中溪浴佛會

三花寶樹下八水香池邊鷲嶺玄宗啓魚山清
梵傳日華明震旦雲彩麗諸天染衣豈尊宿鏗
佩是儒仙虛界一那刹實際萬繇延伊予漂戎
旅同君登法船

雲中十二韻

天子雲中狩將軍久未還
律吹玄兔塞旗繞白狼山
風火燒荒急星辰過隊閒
燕支留馬首蘇酪醉龍顏
清樂千門動黃金萬鎰頒
雪深懷續絮月滿憶刀鐮
牙烏嚴宵仗宮鴉捲曉班
奏回青瑣闥捷報紫金關
膂力休明鎧歡聲洽禁闥
功牌銀燦燦賀障錦煊爛
日轉虞巡外春流鎬宴間
戢戈行有頌神武徧人寰

箕山王氏亭子

華館敞清虛蘭塘帶碧渠
山雲迎下榻海月入

前除席對仙人宴門回長者車
林喧沽酒鳥水躍聽琴魚
六馬將軍畫雙鸞內史書
天遊脫羈馬野服謝簪裾
策杖歌招隱披襟誦卜居
菟裘名勝地真作偃佺廬

立春詠餽梅

新春見早梅先折一枝來
不待并刀剪何須羯鼓催
年光掌上出春色鬢邊回
影浸金甌水香留玉鏡臺
精神憐粉素零落惜瓊瑰
情惹陽雲夢歌成郢雪才
佳人知愛重摘取沁霜盃

建林驛垂柳

枝枝金縷細葉葉翠條輕
 嫋嫋曾經折陰陰已
 復成流鶯頻喚曲征騎
 此重行不為芳菲惜多
 綠歲月驚煙條縈水曲
 風絮惹山城閨怨佳人
 笛邊愁大將營婆娑漢
 南意因見古人情

送周子庚都憲撫邊

肅肅戒嚴程蕭蕭班馬鳴
 龍庭新節制騎省舊
 才名玉律調秋氣金鏡寢
 夜聲隴雲笳外結關
 月笛中明鸞朔臨秦障
 鶉瓢繞漢城沙汀行見

鴈海樹坐聞鶯遊霧懷前
 賞歸風遡別情佇聽
 歌凱入一舉塞垣清

送崇慶白判官

宦蹟標南郡賢勞賦北山
 分攜千里外留滯一
 年間梅閣春全隔花宮
 月幾彎水聲隨露冕塵
 路損風顏別路遙岑合
 離亭二水環未言君子
 贈懷惠野人攀共道鶯
 遷近來瞻馬首還

明月篇

桂樹生銀漢菱花掛玉臺
 山明姑射雪川靜海

唐詩選 明抄月修
童埃北戶燭龍蟄南枝烏鵲來清光殊窈窕流
影自徘徊樓上盈盈女樽前灑灑杯孤桐不須
薦錦瑟正相催

夏雨不絕柬張蜀望

南滇六月朱夏涼疊疊雲嵐浮曉光林花含笑
遠天靜江草喚愁終日長闌風伏雨淹客路回
谷深谿非我鄉城隅隔手不相見車馬經過淋
潦妨

寄徐用先程以道

軒轅臺畔雪霜寒陰磧茫茫萬里寬夢繞盧龍
明月易書隨鴻鴈朔風難天涯好在崔亭伯海
上終還管幼安應念瘴鄉孤戍者自將形影弔
衰殘

庚寅除夕王子推送桑落酒適傳希說葉
道亨同過守歲卽事

桑落舊方傳陸海椒花新頌及滇春能消客邸
千金夜頓有天涯兩玉人無家垂老同飄梗痛
飲狂歌非隱淪歲去年來真反手柳青頭白轉

傷神

泛浪穹海子

峰頭才見一泓幽沙尾驚看四岼浮沅水羅文
堪並色嘉陵石黛迥添愁秦源欲問桃花渡楚
望渾迷杜若洲亦有滄浪舊歌曲晚來乘興更
扁舟

毛希曾園千葉梅

今年朔氣凌炎暉雪後見梅千葉稀空谷倚竹
翠袖薄洞戶穿燈香霧微嬋娟莫待月初賞綽

約卽愁風乍飛繁霜旅鬢不羞汝爛醉賓筵簪
朶歸

春興

帝里朝辭供奉班客程宵濟洞庭灣湘靈鼓瑟
清泠外鮫女鳴機縹緲間青草波光連夢澤蒼
梧雲物隔疑山故園亦有岷江水垂老生涯釣
艇閒

平沙落日大荒西獨立蒼茫意轉迷蕙畹蘭皋
愁晚對竹垣花掖記春樓摧頽杜甫歌朱鳳樵

醉王褒望碧鷄白首艱難隨去住青雲容易墜
攀躋

思公子篇

三五二八艷嫦娥百萬十千酬笑歌羅帳浮雲
開玉葉鏡臺明月湛金波鬪鷄曉向侯家出走
馬宵從主第過絕漠蘇卿竟誰問長沙賈傅奈
君何

贈永寧白叅戎

貴竹新疆古蘭州分弓上將擁貔貅笙歌城郭

天無夜耒耜郊原歲有秋界首江清春洗馬海
漫山翠晚當樓銳頭勲業君家事四十登壇早
拜侯

太華寺席上文似山詠郭舟屋湖勢欲浮

雙塔去山形如擁五華來之句愛其善

狀景物而惜其全篇未稱也屬余易其

首尾

仙人掌上梵王臺雨霽秋清望眼開湖勢欲浮
雙塔去山形如擁五華來摩天鸛鶴窺明鏡呷

浪魚龍引渡杯金碧西南無此景爲君扶病二
徘徊

寄張風泉侍御

貴陽天馬遠行空元是蘭臺鮑氏驄未奉談犀
恒北望忽傳書鯉到南中龍筋舊識文成麗蟹
瓜爭看定武工誰道停雲形影隔戍樓明月夢
魂通

玉樓對菊閣試

碧梧消息委銀牀黃菊芳菲對玉堂禁苑栽培

元得地仙家草木不知霜甘泉宮裏龍銜燭太
液池邊鵠借裳東閣吟成花掖暮南端歸去彩
毫香

萬縣元日

官燭光中飲頌花村鷄聲裏換年華寥寥人語
水鄉市統統鼓音山縣衙江上春風先入棹客
邊元日倍思家去程回望各千里翠壁青林寒
雨斜

望華山

白帝真源紫界封
 金天削出翠芙蓉
 高擎零露
 仙人掌俯瞰明星
 玉女峰陽壑春留
 千歲草陰
 岩雪蔭四時松
 頻年來往塵埃裏
 敢向山靈問
 逸蹤

送童士琦瑞州府判賦得蜀江

瑞州城下蜀江流
 風物依然似故丘
 砥道靈源
 千里合不知仙跡
 幾年留分符遠泛
 星槎去負
 琴真如畫錦遊別
 後懷人更懷土
 煩君時一到
 滄洲

贈王美中

青驄御史下丹青
 解豸新裁瑞錦袍
 堦下天風
 吹玉樹海邊春酒
 薦冰桃西山日近
 恩光永南
 極星連執法高應
 問蜀城回楫地長
 江秋水靜
 雲濤

次張惟信留別韻

朱絃之瑟清商音
 爲君一奏懷鄉吟
 雲煙西阻
 峨眉望日夜東流
 江水心騷客芳馨
 蘭九畹仙人掖垣
 梧十尋酒闌曲終
 車轍遠秋色不如
 離

思深

溫民懷宮諭許於遠別墅相招恐失佳約
作此戲簡

春來無伴訪煙霞忽憶仙人在浣花棋局幾時
隨澗竹釣船何處倚江沙興憐隱浪金壺仄醉
想臨風玉樹斜舊日草堂君地主還須折簡到
山家

送彭幸菴尚書致仕

憶昔西征歌采薇雪山萬里駐驂駢總戎全蜀

風雲陣紀績成周日月旂諸葛蔓菁遺壁壘陶
潛松菊舊柴扉前賢出處真相似雅志如公兩
不違

懷歸

星橋南望沉犀渚雪嶺西連抱珥河關塞渺茫
魂夢少山川迢遞別離多汀洲春雨寒芳杜茅
屋秋風帶女蘿心事未從詹尹卜生涯聊聽焚
童歌

留別劉珥江

東波南浦送輕航
悵悵芳春發故鄉
泛宅浮家沙鳥外
銷魂迴首石犀傍
垂垂楊柳人千里
漠漠蒹葭水一方
更喜欲來相慰藉
挈音何日到江陽

中巖留別余方池草池兄弟

又別中巖二十春
禪枝恐草幾昏晨
三生水月淹留地
萬里江山感慨身
楚澤羈纍吟北渚
謝家兄弟餞南津
酣杯且喜朱顏在
覽鏡休驚白髮新

寄李芝山初岡二李國相

玄韵仙飈舞拒松
新詩清水出芙蓉
丹梯不唾青城地
彩筆曾干紫閣峰
濯錦江波舟汎汎
散花樓閣樹重重
舊遊回首金沙寺
幾度衣冠起暮鐘

二月二十八日與諸弟出野觀社筭輿穿
窄徑日中乃得平路小憩大梵寺

滴堵零雨坐深更
天爲遊人放曉晴
松蓋擎雲村徑暗
秧針刺水野田明
菁葱俏稭憐春晚
詰

屈崎嶇覺路生正惱懶蟬勾午睡蒲牢喜聽遠
鐘鳴

喜雨

高閣憑闌暑氣沉寒山銀竹映森森雲從太華
仙人掌風入蘭臺宋玉襟零雨不關胥靡夢荷
鋤聊慰老農心木桃投贈須君和醞醪浮香喜
自斟

毛伯玉點易洞

淨林蕭寺北山隅曾是精廬隱昔儒書帶草生

移鉅野篆文江繞接巴渝吟詩雲合峰頭碧點
易霞留洞口朱何日放舟偕麗澤紅泉石蹬足
斟斟

聽歌

彩雲天外駐行盃明月樓前引上才紅頰縱時
銀燭爛翠眉低處玉山頽飄飄俠客遊燕市窈
窕仙娥下楚臺千載王郎風韻在倩君重唱夕
陽開

浮橋

歷代詩選 明楊用修
千尺長虹臥錦波，懸幢度索笑牂牁。玉環金鎖
隨開闔，木客鮫人雜嘯歌。漫道鼉鼉梁碧海，虛
傳烏鵲架銀河。堪憐來往驚鴻影，步步塵香襯
襪羅。

夏松泉太宰壽

赤舄歸來鬢未星，紫垣光燄照涪陵。山中宰相
無塵事，河上仙翁有道經。春色又驚梅蘂白，薰
風幾換荔枝青。停雲問月多篇詠，何日滄浪一
共聽。

招張愈光

容易年光斗柄東，蕭條客舍酒樽空。雪消已滅
乘舟興，寒重翻添閉戶功。古道塵埃多去馬，故
人書信少來鴻。新豐逆旅知無伴，何惜西齋一
笑同。

夏五亢旱彌旬，曲泉薛公精禋露禱霖雨，
應辰農望，旣欣道暘，亦起詩以志喜。

漫擬休瓊戲廣川，土龍泥鶴盡成捐。風雲忽送
三更雨，庭院如鳴百道泉。雲漢于今無旱魃，甫

歷代詩選 明楊月修
田從古有豐年吾廬坐愛涼如洗好續蘭臺賦
颯然

蘭津橋

織鐵懸梯飛步驚獨立縹緲青霄平騰蛇遊霧
瘴氛惡孔雀飲江煙瀨清蘭津南渡哀軍國蒲
塞西連諸葛管中原回首踰萬里懷古思歸何
限情

春泛晚歸

滇海橫波搖遠天青峰影在枕樓前汀蘋嫋嫋

風色起崖草萋萋春興連漁父濯纓歌鼓柁姪
女當墟工數錢醉歸不嘆無兩炬東塔已高西
月弦

別周昌言黃孟至

長年三老試登艫雙環小妓唱巴歛重露桃花
薛濤井輕風楊柳文君墟可憐鴻矰橫四海未
許鷗夷浮五湖銷魂從此渺然去迴首峨眉山
月孤

顧箬溪中丞載酒過滇館

濁水清塵十七年豈知披霧更雲滇釣竿未拂
珊瑚樹杯酒重登玳瑁筵春夢依稀蕉鹿後晨
星寥落雪鴻前途巡醉寫張顛帖只尺忘歸范
蠡船

早寒

曉夢驚回聞早鴉新陽出海散明霞田隴初生
戴星草園林已發迎春花山春炊煙穿高竹渡
口漁船依淺沙籃輿有暇可乘興西崦東臯問
煮茶

寄用貞第

杜陵巴國苦寒行李白梁園昨夜情山葉早梅
心萬里雪窻風竹夢三更河橋晨別南鳧影江
漢春催北鴈聲回首長安當日下感時懷汝總
難平

次王明遇留別韻

秦地長城紫塞曲漢家亭障白雲齊將軍幕府
傳刁斗壯士關山送馬蹄鄉信迢迢隨去鴈邊
聲渺渺聽鳴鷄行看烽火回中靜祗見明星隴

上低

嘉陵江

嘉陵江水向西流
亂石驚灘夜未休
崑崙畔蒼藤懸日月
崖邊瑤草記春秋
板居未變先秦俗
剗木猶疑太古舟
三十六程知遠近
試憑高處望刀州

無題

石頭城畔莫愁家
十五纖腰學浣紗
堂下石榴堪繫馬
門前楊柳可藏鴉
景陽粧罷金星出
子

夜歌殘壁月斜
肯信紫臺玄朔夜
玉顏珠淚泣琵琶

山關

擬唐人

狼狐芒角正彎環
虎落連營又出關
漢使征鴻何日至
胡兒牧馬幾時還
千重紫塞迷青塚
九曲黃河繞黑山
飛將殊勛猶下吏
書生乘障敢辭艱

鄭立之中丞平蜀石城夷寨有詩紀事次

韻

漢庭不動九天兵
瀘水重興五月征
談笑折衝
迴萬里指揮能
事定三城戎原夜
市煙花繞澤
國春畝歲草生
紀績休磨崖上石
巴渝歌頌比
風清

周五津寄錦箋并柬楊雙泉

誰製鸞牋迥出羣
雲英膩帛粲霜氛
薛濤井上
凝清露江令筵前
擘綵雲窈窕翠藤
盤側理連
環香玉剪回文
老來無復生花夢
錦字泥緘付
墨君

中元夕望開福寺燈塔

鈴語吟風寂梵音
塔燈擎月淨高深
孟蘭瑞草
生三昧天竺曇花
散五陰鴈沼恍疑
星宿海鷺
峰竒作火珠林西
方謾說光明藏何
似中華地
布金

戊寅九日龍門登高

江山盤踞千年地
風雨崔嵬百尺臺
搖落霜林
秋籟發參差雲堞
曉光開四愁多阻
張衡望九
辨堪興宋玉哀
望遠登高聊自遣
芳萸艷菊謾

歷代詩選

日林月作

三

相催 沐希甫葉道亨約會於太華寺雨中用杜少陵韻一首

野竹幽花夾道迎
緝園金剝望中明
海天風色雲籠樹
山國春寒雨滿城
最覺龍鱗圖畫潤
生憎羽鳥毳衣輕
迷原復作留連住
尋壑猶能窈窕行

石岡沐公希甫輓詩

幾醉錦筵金叵羅
忽騎天駟上天河
霸陵猶記

將軍獵沛邑能忘
猛士歌春寒澤畔經過少
日暮山陽涕淚多
露薤霜蒿悲自古
蹊桃管李奈君何

高曉村除夕

海濱戎旅久忘歸
獨對朝嵐與夕霏
莎徑晴沙采樵路
柴門春水釣魚磯
太平時節身難遇
流轉風光賞莫違
街鼓市塵渾隔斷
村春隣火自相依

謝同鄉諸公寄川扇

歷代詩選

月陽月參

卷三

三

鳳箋分封到海陬魚緘千里自巴丘綺寮白晝
懸明月玳簾朱炎借早秋統素底須誇罨畫蒲
葵耐可污金鈎仙家玉雪勞相贈詩苑瓊瑤愧
未酬

贈內

迢遞鄉關阻益州歸途雨沛更雲油重看周雅
歌祈父又聽陽關唱杜秋明月迥臨天左界寒
霄回夢浪西樓五紋絲履休勞寄好看生兒似
阿侯

合州舟中次韵王孔昭

馳暉易逝髮難玄屈指驚心二十年北渚離愁
芳草外東風歸信落花前煙開巴峽銅梁秀月
照涪江石鏡圓栩栩瀛洲還舊夢嚶嚶喬木已
新篇

夏日抱病幽居

抱病閉門誰與同隱几焚香長夏中槐花細灑
鵝黃雪芭蕉斜扇青鸞風蚊雷無賴鼓昏黑螢
火多情流暝紅墨池過雨積新溜一部鳴蛙何

大雄

雨湖葉道亨泰招飲過湖晚歸

楊堤葉嶼迥相隣東主西賓意自親促席忽披
千里霧歸舟重醉兩湖春沙邊漁火明還暗樹
裏人家認未真已訂魚鄉鷗社約片帆何惜往
來頻

唐僖宗行宮遺礎次熊尚弼侍御韻

唐帝行宮有露臺礎蓮頻歲換春苔軍容再向
蠶叢狩王氣遙從駱谷來萬里山川神駿老五

更風雨杜鵑哀始知蜀道蒙塵駕不及胡僧渡
海盃

甲子丁丑九日

燕臺九日罷登臨節物蕭條入楚吟關塞驂騑
迷去路朔風鴻鴈滯歸音仙遊御宿山川遠白
露清霜日夜深雲際側身愁北望天涯懷抱可
能禁

中秋禁中對月

漢家臺殿號明光月滿秋高夜未央銀箭金壺

歷代詩選 明楊用修
催漏水仙音法曲獻霓裳路車天遠鸞聲靜宮
扇風多雉影涼千里可憐同此夕美人迢迢隔
西方

送熊維藩尹婺川

驪駒載道何駸駸飛鳧遙下蠻江濤鴈鴻不度
牂牁國虎豹常啼楓樹林鳴琴仙室白日靜鎖
印公堂朱夏深冰蘂肯移清吏節卉裳須服遠
人心

送福上人還青城

青城三十六高峰寺在青峰第幾重飛錫曾聞
經雪嶺結茅常愛住雲松花飄香界諸天雨金
吼霜林半夜鐘傳語禪關休上鎖虎溪他日會
相從

寄題楊凌泉水木清華堂

宛宛闌干石徑斜悠悠水木湛清華橋通玉局
仙人館隣接金繩大士家翠鎖渭川千畝月紅
蒸杜曲一園花劉安招隱歌叢桂屈子離騷賦
折麻嵐靄望山堪拄笏陌塵流水任行車問兒

歷代詩選 明 楊 月 修
好掃青苔壁欲把新詩落墨鴉

觀三塔寺龍女花

天女來看龍樹花空香隨步惹瓶沙
煙花點綴慈雲薄韶景留連慧日斜
鬢髻曉霑三昧雨羅綿夜妬六銖霞
偷御野鹿羞塵世共命巢禽隔海涯
水泛暗通金母島風飄曾到玉皇家
誰教博望來西域不並蒲桃上漢槎

長江萬里圖

五才坎德迥靈長萬里岷山始濫觴
流漢天迴

經灩澦盤渦谷轉下柴桑楊瀾左蠡曾潭府大
壑歸虛廣莫鄉天遣陽侯分祿祿帝咨神禹畫
茫茫岑青翠觀鮫人館水碧金膏龍伯堂景浴
寒烏朝旭早燄然陰火夜霞光煙寒星散三洲
樹風致雲飛百尺檣鶴子鳧雛喧澍雨紋螺錦
蚌映翔陽籠筒津鼓驚浮客欸乃漁歌屬赧郎
泗磬石鐘鏘島嶼輕漣頻彩媚滄浪投鞭堪笑
符堅策淨練難賡謝眺章彩鷁退飛休借問沙
鷗浩蕩信徜徉

龍編行答禺山

北極軍書一羽過南交氛稜九真多金潏銅柱
天王地象渚龍編瘴海波渭曲屯田愁葛亮關
中餽餉急蕭何嵐開比景鳶低水風度鳴沙馬
歎陀自許將軍回白日誰憑壯士挽銀河騰峰
浴鐵朝乘障下瀨樓船夜戢戈翡翠越裳近消
息麒麟漢閣遠嵯峨婆婆橫吹驚楊柳擘擘商
聲響薜蘿隱豹文韜須霧澤荒鷄舞困且漁叢
欣聞幕府收才彥佇立衡門聽凱歌

青橋夜宿

驛亭臨白水石榻滿蒼苔遠客渾無夢江聲枕
上來

雨夕避漏起坐

雲房遷雨裏枕席籍盆罍似向東林宿蓮花滴
漏聲

陽橋彎

澗壑浮白雲俯瞰低於馬雲開見青松又在澗
壑下

嘉州登舟

馬上風塵倦登舟似到家
雨晴涼意足含笑對
江花

夜行安慶

風順月仍明扁舟半夜行
鷄鳴問前路已近九
江城

春

海風吹海樹十日閉門中
坐惜繁華過墻頭數
落紅

陪盛德章春泛

中洲歌采芳曲渚艤歸艍
風起春江晚飛花點

石梁

山只雲房寺

海菜燒空艷山篁拂座涼
胡僧書跡在指點舊
雲房

題竹

帝子瀟湘渚乘鸞嫋嫋邊
可憐江上竹猶帶古
時煙

太平寺

忍草迷香徑空餘屋數間香鑪煙不起苔蝕鷓
鴒斑

松隱菴

松菴饒古松露鬣交雲尾蘿徑少人行日暮嘯
山鬼

恩波池別劉潤之

酌酒臨池水回船拂芰荷匆匆馬上去留興與
煙波

無名王子淵祠

瑤擘靈芝發秀翹子淵摘藻揆天朝漢皇不賞
賢臣頌只教官人詠洞簫

山下徐及泉相送至斜堰河

滇隅流落鬢成絲為憶家林惱夢思沃野喜看
平似掌春郊載酒正花時

月夕見美人過浮橋

鴈齒螭頭影動搖金波玉鏡夜迢迢忽逢羅襪
輕盈步疑是鮫人出賣綃

丁巳元宵韓旻菴送燈

多病新春減醉狂元宵作劇懶逢場華燈珍重
勞相贈繡佛前頭禮定光

白崖

雲開遠見彩雲州一片煙嵐鳥外浮還見前年
山下路密蒙花發艷新秋

桐梓驛上元

戴石孤峰古驛門青卷吹角報黃昏三家村裏
無燈火千樹梅花作上元

蝴蝶戲真珠花

溼園仙夢到綃宮栩栩輕煙裊裊風九曲金針
穿不得瑤華光碎月明中

泛滇海歸感舊口占

談笑已無錢臥月風流不見李華仙漁村酒市
經遊處斜日寒林鎖暮煙

雨中漫興柬泓山中溪洱臯

風裊芭蕉羽扇斜雲峰苔壁對簷牙蒲城連日
黃梅雨開遍金釵石斛花

雨聲蕭寺喜留賓
窻竹簷花更可人
莫道相如徒四壁
壺中猶有錦江春

夏夕

湘水魚鱗冷
簟文博山蟲篆罷
鑪薰開窻對影
延新月坐愛金波洗火雲

峽中

峽裏青山夢裏過
曉來春比夜來多
開蓬試看江頭路
樹樹殘梅照綠波

望中條

征馬長鳴向北風
峭關回首暮天東
太行過盡中條出
一路青山白雪中

白蓮

獨立亭亭笑粉光
浣紗人在越溪傍
鱗宮貝屋難留住
合上吳王白玉牀

風清月皎露華涼
深隱花叢暗迤香
寄語玉人休折盡
夜深留伴睡鴛鴦

董壩

扁舟孤棹宿楓林
獵火漁燈逼歲陰
千里思家

屢回首青山江上疊愁心
于役江鄉歸經板橋

千里長征不憚遙解鞍明日問歸橈真如謝眺
宣城路南浦新林過板橋
春帖用宋人四句例

江國梅花頭併白高曉揚柳眼還青八村煙水
移春檻九寺雲山借景亭

豐年雪霽行天馬上日春還帖戶鷄天運盈虛
與消息吾生南北又東西

贈門生楊靜夫北上

滇海門生廿載遙飛騰次第上雲霄衰年七十
猶羈旅誰向玄亭慰寂寥

興教寺海棠

雨樹繁花占上春多情誰是惜芳人京華一朶
千金價肯信空山委路塵

中秋

四壁蛩吟白露團西園清夜為誰歡千家門閉
中秋月只有愁人獨自看

江陵舟中贈田李二鄉客

朗月寒沙夜未分
玉簫金管醉中聞
明朝回首沅江路
愁聽清猿和白雲

早春

江暖波光日映光
幾家同住水雲鄉
槿籬茅屋繁花裏
也有鞦韆出短墻

春望

東風先到海東頭
春興催人獨上樓
最是晚來凝望處
曲堤煙柳似皇州

滇海風多不起沙
汀洲新綠遍天涯
采芳亦有江南意
十里春波遠泛花

泛舟昆江

杜若洲邊露氣香
更無人語有鳴榔
澄潭倒影天涵水
翻覺星辰在下方

貴竹雜詠

林雲菁霧不分天
清露常如雨線穿
百里迥無煙火接
依稀猶似燧人前

梅花絕句

余也枕疾彌旬殘臘將盡使人探梅咸
云未開怪而詰之詭以春遲出戶偶見
樵女簪髻自笑曰村姑亦風韻乎因而

戲作

探梅人似放魚人只道梅梢粉未勻不向村姑
頭上見那知虛負一年春
村姑只恐是花神花信前頭報早春奇樹芳滋
休冷眼好從初地喚真真

石倉十二代詩選

明三集卷之十一

終

卷之四